



Digitized by the Internet Archive  
in 2016



DE NVMISMATE  
CENSVS, A PHARISAEIS  
IN QVÆSTIONEM  
VOCATO.

Dissertatio  
THEOLOGISTORICA.

MARQVARDI FREHERI. M. F.  
Consiliarij Palatini.

*Editio auctior.*



HEIDELBERGÆ.  
Apud ANDREAM CAMBIERVM.

---

CLIO IO XCIX.





# PERILLVSTRI

ET GENEROSISS. DOMINO,  
HERMANNO COMITI IN

MANDERSCHIED ET BLANKEN-

heim, Domino in Iunkerode &

Daun: Cæsar. M. à

consiliis.

Patrono suo S.



VM superiori anno publicam calamitatem declinans, apud Agrippinam velut alteram patriam subsedissem, Patrone, quamvis non nullum solamen & urbium illa regina, & in ea amicorum copia, rerumque novitas & varietas afferret; hoc tamen vel ipsius itineris & exilij precium mihi reddidit, quod in gratissimum conspectum & noticiam tuam, siue aliquorum commendatione, siue popularitate tua, nullo certe merito meo, peroptatò me adduxit. Tunc profecto non dicam conceptæ opinioni meæ paria, sed ipsa fama virtutis & fortunæ tuæ maiora omnia comperi: cùm pro humanitate tua vnica vix auditum me vltro vocares, liberaliter exciperes; in arcem illam tuam visendam & visendorum custodem deduceres & reduceres, & à latere tuo ferè indiuiduum omnisque gazæ tuæ inspectorem, nullo non beneficentiæ genere prolixè mactares; deinceps quoque absentem litteris & muneribus, & apud alios elogiis honestare non cessares. Quæ omnia si

(.†.) ij.

vn-

unquam animo excidere patiar, ingratus sim mortalium! Et mirentur alij arces & possessiones, & dignos ordine tuo apparatus, & quantum habes diuitiarum operosiorum, ipsi Italiae inuidendarum. ego magis animum illis uti gnarum: vel potius non uti, & horum relinquendorum contemptorem internis opibus fultum & contentum. Quem ut veneror, ita coniunctam humanitatem amplector: ut si testandi grati animi occasionem diutius requiram. vitam mihi acerbam putem, eoq; arripiam proximam. Cum enim ipso tempore, otij impatiens, leuandis molestiis & curis varia meditarer; coepi nescio qua occasione ductus super argumento etiam hoc facio, quæ ab aliis minus obseruata in mentem mihi veniebant, consignare. maiori animi contentione an oblectatione vix dixerò: certè præter opinionem, quod parabam, ita successit & excreuit, ut iam iustæ Homiliæ sufficeret. Quam pro felici reditu Seruatori meo passus, votique per eius gratiam damnatus, in publico citra sibilum pronuntiaui: & deinceps aliis super alia accidentibus (ut sunt diuina illa infinita, & tractatio igitur eorum) non minorem in modum auctam & excultam. Reipublicæ amicorum suasu communicaturus, splendidissimi nominis tui præscriptione lucem ei foenerare volui: non quo more hodie quilibet cui libet vulgò inscribitur, sed certo iudicio & causis manifestis. Cui enim iustius recentem foetum, quàm à quo beneficii accepti recentissima memoria extat? Aut quid aptius magni Cæsaris consiliario, magnis in rebus magnæ industriæ fideiq; comperito; quàm quod pro summa illa in humanis potestate à coelesti Hero è re nata dictum, nos omnibus ingenij viribus intensis enarrandum suscepimus? Deniq; rem (nisi fallor) à vulgi captu & consuetudine remotam, cui potius



potius quàm tibi, omnium elegantiarum & rararum rerum vt copiosissimo possessori, ita scitissimo aestimatori deferimus? Nec improbabis factum scio: nec improbabunt etiam, te patrono, studium nostrum alii, aut verba diuina humanis argutiis profanasse calumniabuntur; si pensabunt, vt ad summi illius Boni adeptionem omnes nostros conatus merito dirigimus; ita rectè etiam & ordine fieri, si quidquid est literarum, ad vnas sacras illustrandas; quidquid monumètorum & æui reliquiarum, ad antiquissimā & immobilem historiæ religiosæ fidem vndequaq; confirmandam adhibeamus: si deniq; humana omnia diuinis, & vniuersa mortalium studia, ingenia, opera, in tota hac machina, factoris sui gloriæ prædicanda seruiant. Quem quidem ego (quidquid aliis sit mentis) etiam horum studiorum fructum censeo vel maximum & pulcherrimum: nec sine hoc dignemur pij, quidquid est vspiam auctorum veterum aut memoriarum (præquibus tamen quæ non recentia sordent!) obliquo oculo adspicere: jam non tam honestam animi relaxationem, ingeniique culturam, quàm magis etiam serium illum vsum inde quærentes. Nec vetabo, quia idem hoc maioris operis *Πομπωνίου* Pômponij nostri *De veteri numismate*, simul aliquem gustum præbeat: quem affectum dudum, & tibi ostensum iamq; amicorum tantum non conuiciis quotidie efflagitatum, breui (Deo iuuantē) extrudere paramus. atque vtique sat citò, si bene. Tu hoc interea, magnifice Comes, magnæ obseruantix exiguum pignus, solita comitate tua suscipe, meque susceptum tuum grauissimo patrociniò complecti perge. Vale. Heidelbergæ, Kal. Ianuar. anno Christi M. D. XCVIII.

*Marquardus Freherus.*

# ELOGIVM AR CIS

BLANKENHEMI,

QVAE SEDES EST

Inlustris & generosus. Dn. HERMANNI.  
Comitis Manderschidi, & Blankenhemi,  
Dynastæ Iunkenrodæ & Dauni : S.  
Cæs. Majest. à consiliis:

GEORGIO REMO auctore.

V I N' tu mille videre amœnitates  
Hospes ? cernere vis Neronis aureis  
Aedibus decies beatiores  
Aedes, Dadaleâ & domo ampliores ?  
Hortos Alcinoi feraciores ?  
Monstrabo indice, virgulâque sacrâ.  
Blankemum i, pete, & inspicere ô viator.  
Quâ sunt obvia prœmtaq, unde quaque  
Alta tot decora elegantiarum,  
Quot capsit microcosmus vltus agrè.  
Admirabere (sat scio) ardua illa  
Propugnacula, maniana, turres;  
Instrumenta tot incruenta Martis,  
Armorum seriem, ordinemque iustum.  
Glandes nempe pilasque fistulasque,  
Portarum excubias, silente nocte:  
Quâ cernes monumenta pacis almae,  
Qua secum atulit eruditionis  
Pallas mater, ab Atticis Athenis  
Huc quando appulit ad fluentia Obrinci.

Heic



Heic diuūm statuas, Lareis, & urnas,  
 Saxa, & sarcophagos, imaginesque,  
 Et casos lapides Paro vel ipsa:  
 Heic volumina docta, disciplina  
 Cuiusvis lapidos bonos libellos.  
 Quot non rex Ptolomae possidebas,  
 Consultis, Medicis, Sophis legendos,  
 Libros Theiologis manu diurnā  
 Versandos, reliquisque doctiorum.  
 Porrò myriadas vetustiorum  
 Numūm (quos veteris vocare Pluti  
 Gazas possumus) Hospes, heic videbis;  
 Numos dico Quiritium priorum,  
 Numos Graiugenūque, Teutonumque  
 Priscorum: documenta magna opum vis.  
 Si porrò extuleris pedem arce, cernes  
 Herbis utilibus salubribusque  
 Tot pomaria consita, & referta  
 Tot pomæria fructibus; deorum  
 Mater cum Cerere è sinu benigno  
 Quos fundit bona, liberalis, aqua.  
 Heic, quod decolor Indus & Sabæus  
 Spirant, quodque metunt, metas licebit.  
 Versu singula, (qui brevis laboro  
 Esse, & dicere multa malo paucis,  
 Et dixisse alios velim & peroptem)  
 Non percurrere nunc quidem potissimum.  
 Florent omnia, rara, cara, pulcra  
 Visu: nec Genius beatiorem  
 Sedem Tibure quærat, insulisve  
 Deligat Macarum, vel orâ Atlantis;  
 Vrbe aut Romulidum deorum asylo.

*Nam quæ Roma habuit, videbis istic.  
 Trans Alpeis vel ut euolasse Roma  
 Aut transuecta putetur huc locorum; et  
 Cum Musis Charites simulq, Apollo  
 Aras ab Helicone transtulisse,  
 Blankemung, habitare censeantur.  
 Affari ergò bonas voles Camenas,  
 Phæbum, & dicere Gratiis salutem?  
 Vin' Romam brevi imagine intueri?  
 Hortos, Dadaleam domum, vetusta  
 Aera, & pumice codices politos?  
 Et vin' mille videre amœnitates?  
 BLANKEMVM i, pete tutus, ô viator.*

---

#### INCOLVMITATI

eiusdem inlustris & generosis. Dn. HER-  
 MANNI, Com. Manderschidij,

**D**IGNIS imperijs, Deum precabor;  
 Iustisq, huic domui imperes beata,  
 O HERMANNE Comes, beatitate  
 Corporis solidâ atque mentis auctus.  
 Hu vita adijciat tuæ senectam  
 Tranquillam, capulo procul remotam,  
 Dulcem, Nestoriam, sacram, beatam.







# DE VERBIS

DOMINI,

DATE CÆSARI, QUÆ CÆSARIS;

ET QUÆ DEI, DEO.

*Sermo votiuus.*



VOD ardentibus & anxiiis precibus à Deo optimo maximo vitæ necisque domino experii, cum superiore anno gliscente ferali illa lue, ob peccata nostra diuinitus immissa, jamque viciniam meam & proximos parietes depopulante, dulcissimum laré & lare ipso dulciorem functionem meam deferere, & præcipitatis rebus omnibus vicini secundique Nicri oportunitate ad fugam vti necesse haberem; vt daretur mihi aliquando epidemia illa calamitate sopita, incolumi incolumes reuifere, resque priuatas cum publica statione recipere: eius me voti tandem damnatum, & quæ desiderio firmaque spe præceperam, nunc re ipsa tenere, majus profecto & illustrius Dei beneficium agnosco, quam quod pro magnitudine sua animo concipi, nedum verborum digno pondere pensari possit. Nam & è præsentis periculo velutique flagranti incendio cunctantem me & resitantem ceu angelica manu edu-

A tum,

etum, & cum in Vbiis quo me cum familia receperam contiguas nostris ædibus domos eodem malo infestas adueniens iuuenissem, confestas postridie comperissem, ut non periculum sed locum mutasse velutique è fumo in flammam venisse viderer, toto tamen illo tempore quo in Vbiis & Sicambris fui, cum meis omnibus mirabiliter seruatum; denique per varias difficultates & infesta prædonibus itinera (à quibus pridie modò spoliata nauem sublequebamur) feliciter huc reductum, è peregrinitate ad domicilium, è molesto & sterili otio ad honestissimas functiones, è fuga & solitudine ad iucundissimum vestrum conspectum rediisse; nonne id tale est, pro quo nihil sit vlla oratione tanti beneficii auctori gratias agere, nisi eius perpetuo memores totam ætatem nos gratos exhibeamus, & quicquid superest vitæ, ei lubentes consecremus.

Quemadmodum igitur, qui auari maris iras tempestatesq; sonoras euaserunt, terræ & patriæ redditui vota sua Diis seruatoribus persoluunt, tabellasque in fanis suspendunt: ita nos quoque isto periculo (Deo custode) sine magno dispendio defunctos decere arbitror, antequam ad consueta officii munia redeamus, votiuo aliquo sermone beneficii memoriam testificari. Vel potius ut olim apud Romanos qui insigni aliquod vitæ discrimen euassent, vel quos peregrè mortuos fama nunciasset (nam & id de me comitibusque meis factum audio) domum reuersi non per fores admittebantur, sed consensu testis in domum demittebantur, velutique ex aere in atrium sub dio positum inferebantur\*: ita nec ipse ab isto intervallo ad recitationes quotidianas rectà redire nisi altiore dicendi exordio facto, & extraordinario quodam aditu

\*Plutarch.  
in quest.  
Rom. 5.



ditu viam ad Cathedram repetere volui. Sed neprofano aut humili argumento deberi hanc horulam consentaneum est, modo & idem ab hoc loco, & muneris nostri conditione non sit alienum, Quale illud esse, quod à nobis susceptum iri publicè significauì, omnino statuo: quippe quod & ab ore ipsius Veritatis profectum nullam vitilitigantium controuersiam admittit, & à fonte ipsius Sapientiæ ortum, inexhaustas indagantibus doctrinæ venas aperit, & à supremo dominatium Domino dictatum omnium humanarum potestatum vires, jurisdictionum neruos, legum denique nostrarum reuerentiam, auctoritate sua sancit & confirmat.

Vt quid enim aliàs non tantum apud priorum ætatum homines Christianam, sed nos etiam reformatam & sinceram religionem professos, profanorum nominum Antoninorum & Seuerorum, addo etiam fidei persecutorum Traianorum, Deciorum, Diocletianorum non dicam nomina conseruarentur, sed leges & rescripta tanquam pro re sancta & inuiolabili haberentur! Quid Vlpiani illius magni quidem viri & magnis suo merito apud Principem honoribus functi, sed (vt Lactantius \* ait) sceleratissimi homicidæ, qui injustas disputationes contra Christianos scripserit, & rescripta Principum nefaria, constitutionesque sacrilegas contra eosdem collegerit, ideoque meritò bonis omnibus exosi, scita & dogmata sequeremur? Nisi mandati huius Dominici, & deinceps ab Apostolis non otiosè repetiti memores, cum Cæsari tum ab eo ordinatis magistratibus ad parendum conscientias etiam nostras obstrictas esse, & hac partitione non tam illis, quam qui illos cōstituit, Deo ipsi gratum obsequium exhiberi constaret.

\* Libr. 5.  
Insti. cap. 11.

Et si autem super hoc quoque loco dicta scriptaque à diuersis sunt plurima, & dici adhuc infinita possunt; neque dissimulem plerosque à nobis & antiquorum & recentiorum super eo jam pridem consultos: nos tamen & limitum professionis nostræ, & in ea ipsa tenuitatis propriæ memores, pauca tantum ad institutum nostrum facientia delibabimus, eaque more nostro ita tractabimus, vt nemo sua à nobis compilata jure conqueri, æquiores rerum æstimatores etiam non omnia dicta fuisse prius agnoscere possint.

Te æterna Sapientia Dei, qui ineffabile consilium salutis nostræ generi humano protulisti è sinu Patris, & officio redemptoris in terra defunctus nunc assides ad dextram eius, vnde Ecclesiam tuam potenter gubernas, & solus salutaria dona largiris mortalibus; te supplex veneror & oro per fidem tuam, vt verborum tuorum, dulciorum sanè quòuis fauo, validiorum vento, penetrantiorum gladio ancipiti, verum sensum pariter & vsum ipse per Spiritum tuum veritatis magistrum nos edocere, & vt ad intelligendum ingenia nostra, ita obœdiendum animos & voluntates aptare digneris, Amen.

QVA occasione quoque consilio hostes Domini post multos congressus priores, isto omnium callidissimo commento eum adorti sint, non est opus altius repetere. Cum enim vidissent se tot jam exemplis notatos, legis diuinæ sui que officii præuarcatores declaratos, indignosque judicatos regno Dei & patrum promissionibus; neque propositis parabolis quid responderent habere possent, suaque responsa sibi ipsis esse captiosa multis vicibus comperissent; cogitant rationem inuenire qua & ipsum tandem in  
suis



suis capiant responsis. Quam quidem sibi reperisse videntur in quæstione de tributo, vt obuia nec longè petita, sed e præsentis temporis statu, cum Iudæa tum cœpisset esse vectigalis Romanorum imperio, ita in vtramque partem ancipiti, id est, & ad Iudæos maximè plausibili, si quis eorum libertati assertor exsurgeret, & ad Romanos tunc rerum dominos maximè odiosa & periculosa, si quis eorum jura armis parata vel leuiter attingeret & in dubium reuocaret. quod in rebellionis crimen læsæq; majestatis dicā omnium grauissimam statim incidebat, vt tragicus exitus Iudæ illius Galilæi docuerat, qui tempore primæ descriptionis sub Augusto Iudaicam plebem speciosis verbis sollicitauerat ad libertatem defendendum, & mox cum tota factione sua miserè periit, vt Lucas & Iosephus scribunt. \* Non leue ergo quiddam erat quod \* *Actor. 5.*  
Domino proponebatur, & quod sola disputationis *Ioseph. 18.*  
fine staret, & in quo tantum de victoriæ laureola inter *ca. 1. & 2. de*  
differentes ageretur: sed tales quæstionis tendiculas *bel. Iud. c. 7.*  
Domino struxerant, quibus præjudicatam capitis sententiam & verba per jugulum reditura ab eo elicerent: vbi si lubrico linguæ (vt I C. loquitur \*) in altera \* *l. 7. ff. ad*  
ram partem lapsus esset, surgendi facultatem non habuisset. *Iul. maies.*  
Patuit ab euentu quid tunc moliti essent, qui postea etsi eis hoc consilium minimè successerat, tamen feruore accusationis coram Pilato, & inopia verorum criminum, Christo impingebant, tributum Cæsari pendere vetuisse.\*

Inito igitur consilio Pharisei, genus hominum (vt ait Egesippus) *(secundum doctrinam legis exercitatum, secundum qualitatem affectus callidum, auidum negotiorum, pecuniæ appetens,* non jam ipsi Dominum accedunt, quippe tot congressibus illi noti & suspecti, à quibus

\* *Luc. 23.*

sibi cauendum etiam atque etiam sciret : sed missis de seſſa ſcholaque ſua diſcipulis, quaſi ignotis vt facilius deciperent, & deprehenſi minus erubeſcerent; ſubornatis ergo inſidiatoribus (ait Euangelista) qui ſe juſtos & ſimplices ſimularent, vt propoſita quaſtione eum caperent in ſermone, quem inſaſto non potuerant, addunt Herodianos, religione licet illos à ſe multum diuerſos, ſemi-Iudæos tamen, & minus à ſe alienos, quàm Pilatus cum familia ſua, quæ Iudæis inſeſta non minus quàm inuiſa erat, & paganæ ſuperſtitioni dedita: vt facilius cum Herodianis hoc circumuentionis conſilium communicare potuerint. Qui (licet non neſciam variè ab interpretibus accipi) erant miniſtri Herodis, ex aula & comitatu eius, vel etiam milites eius, vt Hieron. & Chryſoſt. volunt, eadem forma qua *Cæſariani* dicti. Herodis inquam, non Magni illius Antipatri F. qui deficiente inſulyta & legitima ſtirpe regum Iſraelis juxta Prophetarum vaticinia primus ex alienigenis Romanorum voluntate præfeſtus erat Galileæ cum poteſtate Regis: ſed filii huius, Antipæ prius dicti, quem ipſe viuus tetrarcham Galileæ conſtituerat, & Auguſtus poſt mortem eius confirmauerat; quique idcò Cæſarem dignitatis ſuæ auctorem & Romanos ſuperiores recognoſcebat, non aliter quàm Philippus frater eius in Iturea & Trachonitide, Lyſanias in Abylene\*, Archelao prius rege Iudææ conſtituto: vt & alii in aliis prouinciis Romanis Regum nomen retinuerunt, *vetere ac iam pridem recepta populi Romani conſuetudine* (ait Tacitus in Agricola) *vt haberent inſtrumenta ſeruitutis & Reges*: qui & in beneficium, & propemodum feudorum hodierno ritu, cum diademate nomen & poteſtatem ſuam à Romanis ſupplices è geniculis accipiebant, vt de

\* D. Luc.  
3. Ioseph. 14.  
cap. 23. Ege-  
ſipp. 1. ca. 30.  
34. Enſeb. 1.  
cap. 4.



de Phraate Parthorum rege Horatius ait: - *ius imperi-  
umque Phraates Cæsaris accepit genibus minor.* & ipsi Iu-  
dæi eo respiciunt, exclamantes coram Pilato: *πῶς ὁ βασιλεὺς αὐτὸν πιάων, αἰπλὴ γὰρ τῷ Καίσαρι.* \* Et hic Hero-  
des est impius ille, qui incestum cum fratris sui Phi-  
lippi viuentis vxore commiserat, & Baptistam facti  
censorem necauerat: quemque ob versutos mores  
*Fulpem* vocare Dominus solebat: & cui Pilatus Do-  
minum, quem Galilæum putabat & sub illius tetrar-  
chæ jurisdictionem pertinere, transmissit, moxq; ab  
eo despretum illudumque recepit. A Caio deinceps  
Imp. cum illa dignitate sua non contentus regium  
nomen peteret, Agrippæ calumniis, nomine pariter  
& ditione exutus, & Viennam relegatus: vbi cum He-  
rodiade vxore sua secunda (si vxor dicenda fuit) ani-  
mi mæore extinctus est.

Herodes ergo hic, vt ante pater eius cliens deuotif-  
simus & amicus intimus Augusti fuerat, ab eoque vi-  
cissim supra omnes, infra solum Agrippam diligeba-  
tur; ita & ipse postea ad magnam amicitiam Tiberii  
(sub quo hæc gesta sunt) peruenit; cuius etiam in ho-  
norem ciuitatem Tiberiadem condidit. \* Itaque de  
rebus apud se gestis diligenter ad Cæsarem referre so-  
lebat & (vt credibile est) iura Cæsaris omni studio de-  
fendebat, atque adeò tributo Cæsariano colligendo  
in Iudæa intentus erat, quippe ipse à Cæsare non ali-  
ter constitutus, quàm *Ἰπὶ Φέροις ἀγαπᾶμενοις*, vt Ap-  
pianus scribit. Vnde est quod Origenes & Cyrillus  
putant, Herodianos hos nihil aliud quàm publica-  
nos fuisse, qui tributa exigent. Quos ideo (vt ad  
rem redeamus) Phariseorum emissarii ex compacto  
sibi adjunxerant, in speciem quidem, vt cum ipsi in-  
ter se diuersatum essent partium, hi exigent, illi æ-  
grè

\* D. Iohan.  
19.

\* Ioseph. 18.  
cap. 4. 8.  
Egesipp.  
22. cap. 3.

gre persoluerent tributum, Dominum quasi incorruptum iudicem huius controuersię compellarent, velutique arbitrum adigerent: sed reuerā, vt haberent negati tributi paratam non tantum probationem, densa populi caterua astente; sed etiam executionem, & *captum in sermone* (ait Lucas\*) *confestim per hos traderent principatui & potestati praesidis Pilati*. denique discipuli caperent in sermone, satellites raperent in corpore.

\* *Lucæ 20.*

Interea has insidias probè dissimulantes, quasi bene Domino reconciliati, blandissimo sermone & honorifico de eius integritate iudicio meditati eum ambiunt, nihil dubitantes, quin verborum mellitissimorum fuco & palpo delinitus, procul ab omni suspicionem fraudis, tanquam apud homines discendi cupidos, imprudens animi cogitata sit effusus. Nec pudet inconstantia, qua nunc Doctorem salutant, quem antea calumniabantur spiritum habere Beelzebub. Et libertatem ipsius ἀπερσὼ πύλην laudant, quo minus vereatur Herodianos offendere. *Magister*, inquiunt, *scimus quod verax tu & ab omni adulationis aut gratificationis nota alienissimus, Dei solius viam in veritate doceas, nihil curans de hominibus, nec ullius mortalium personam respiciens*. Qui ergo tot alia docuisti, dic etiā hoc, *quid tibi videtur?* Ex animi tui sententia; *Fasne est dare sensum Casari, an non?* Nobis nimirum, qui liberi sumus, soboles & posteritas Abraham non ex Agare ancilla sed Sara matrefamilias, qui liberi fuerunt, nec vllum vnquam tributum dederunt Regibus terræ, sed ipsi potius ab illis donati sunt eximiis muneribus, non sponte sed impulsis metu Dei nostri. Nobis, qui populus Deo sacer sumus, diuinæ & vnicæ religioni deditus, quique promissiones habemus perpetuæ libertatis

*Gen. 49.*



libertatis; &, si quando premamur ad tempus ab infidelibus, venturi Messia, qui jugum oneris & virgam exactoris confracturus, & regnum suum à mari *Esai. 9.* ad mare propagaturus sit, sub quo læta pace securi *Zach. 9.* fruamur. Nobis ergo *an fas sit*, per legem potissimum Dei, qua decimas, primitias, oblationes, didrachmum annuum Templo & sacerdotio conferre jubemur; *dare Cæsari*, homini profano & peregrino, qualem nullum agnoscere, sed eligere regem è nostro populo, nostræ nationis, nostri sanguinis, nostræ religionis jubemur\*. Cæsari autem, magistratui nostro *\*Deut. 17.* non ordinario & legitimo; sed violento, qui jure belli ( si jus dicendum ) nos tenet, libertate nostra armis oppressa, & à nobis extorquet quæ vult, & forte plura & grauiora deinceps extorquebit: nec tam extorquet ipse, quàm extorquenda locat publicanis & mancipibus suis, generi hominum ( vel tuopte iudicio ) omnium pessimo & iniquissimo. Huic ergò an dare liceat *censum*, id est, capitis redemptionem annuam, ipsissimam seruitutis confessionem. Hoc enim argumento superbi illi victores Romani triumphant & nobis insultant, quasi à Deo nostro neglecti, & vt falsi numinis cultores ita falsi etiam spe nostra diuini auxilii simus, quod Tullius\* facit: *Stantibus Hierosolymis*, inquit, *pacatisque Iudæis tamen istorum religio sacrorum à splendore huius imperii, grauitate nominis nostri, maiorum institutis abhorrebat: nunc verò hoc magis, quod illa gens quid de imperio nostro sentiret, ostendit armis; quàm cara Diis immortalibus esset, docuit quod est victa, quod elocata* ( publicanis nimirum vectigalium redemptoribus. nihil enim hoc loco mutandum censeo ) *quod seruata: id est, se non excisam funditus soloque equatam, Carthaginis exemplo, nobis debet.*

Incidebat hîc vulgata illa & non leuicula quæstio, An regna & imperia armis & impressione parta sint à Deo. quam hîc quidem non attingam : sed si vlla gens eo scrupulo laborare poterat, Iudæa poterat : quæ peculiariter à Deo electa & adoptata, & eximiis promissionibus ac priuilegiis dotata, à Romanis se oppugnatam, sacra sua inspecta & profanata à Pompeio, templum expilatum à Crasso, & tributum insuper capitis ab Augusto imperatum indignissimè ferebat, & jure quodam rebellare posse videbatur. Hoc ipsum erat, quod Iudas ille Galileus plebi Iudaicæ ad rebel-

\* *Ioséph. 18.* landum occentauerat, cum primum censum Augustus ageret ; *descriptionem illam censuariam nihil aliud quàm apertissimam continere seruitutem, & indignum esse, post Deum suscipere dominatum mortalem.* Addunt ergo Pharisei, quasi re tota in arbitrium Domini rejecta, & ab ore eius pendentes, & staturi ei quod ille dixisset:

\* *Marc. 12.* *Dabimus censum, an non ?* \* quasi dicerent, quando ita tibi visum erit, dabimus ; sin minus, libertatem nostram & jura templi, exemplo ducum Macchabeorum, armata manu ad mortem vsque defendemus, & extrema admittemus.

Parte ex altera astabant Herodiani, qui licet nihil locuti proponantur, tamen tacentes quid ageretur observabant, & Romanorum potentia subnixi jus in armis positum habebant, vt strages Bethleemitica ostenderat. Erant enim non tantum custodes corporis regi suo (quales etiam è Germanis & Celtis Herodem habuisse legimus) sed etiam regni eius satellites & apparitores, & ne quid cōtra eum & Romanos rerum nouarum tentaretur, observatores oculatissimi. Et vtcumque cum Pilato præside Herodes simulates foueret, Principi certè & senatui Romano non infidum fuisse constat. Vide-



Videmus ergo ancipitem velutiq; bicornem quæstionem, & præcipitium ingens, ut vtriusvis partis rationem probaret Iesus, alterius offensam incurreret, hinc patriæ & ciuium suorum, illinc victorum & rebus potentium Romanorum. Neque elabi illum posse putabant, quin ex proposito biuio alteram partem eligeret: ut siue affirmaret dandum, tanquam Principibus impiis adulatus & cum eis colludens, populi circumfusi & parulis auribus responsum expectantis odium incurreret, nec tantum redemptoris & Messię opinionem tot concionibus & miraculis collectam vno momento amitteret, sed forte etiam tumultu populari aliquando opprimi posset: siue negaret, ut hostis Cæsaris motorque seditionis præsentis crimine teneretur, daturus pœnas quas ante Theudas & Iudas dedissent; & tamen ipsis voto potitis, interea vindictæ inuidia in Cæsarem eiusque præfectos & Herodem deriuaretur, causa nihil ad Phariseos attingente. Et sperabant vtrique ipsi magis fore, ut Christus more suo religioni fauens potius quàm Cæsari prophano aut Herodi inuiso, solita libertate pronuntiaret aduersus Herodianos pro patria & gente sua, atque ita paratam perniciem non effugeret.

At Dominus contra quem nullum valet consilium aut sapientia, & cui ludus est astutos in astutia suaprehendere \*, nihil minus quàm quod illi putarant \* *Proverb.* fecit. Nam neque præcipitanter respondit, neque in *21. Esai. 44* alteram partem simpliciter, neque sine causa, neque denique ad id tantum quod quærebant. Vulgò dicimus, *Ad pœnitendum properat, citò qui iudicat.* Itaque nec Dominus simplici affirmatiuo aut abnutiuiuo se absoluit: sed ut ante omnia ostendat se non fallere illorum insidiosam blandiloquentiam, & quo res tendat,

*cognita penitus nequitia eorum* (inquit Euangelista) consultores suos primum intentionis suæ coarguit. *Quid metentatis*, inquit, *Hypocrita*. Illi enim texuerant pro-cemium alicuius quæstionis ad pietatem & religionem pertinentis, dicendo: *Viam Dei in veritate doces*. & tamen quæstio ipsa non pertinebat ex diuino instituto ad viam Dei. Ideò vocat eos Hypocritas, & mox è re ipsa ostendit illos confundere rationes diuinas cum humanis, quando de censu soluendo tanquam de præcepti alicuius diuini violatione agunt; cum tamen allatus nummus de quo agitur, nil planè sacrum aut religiosum redoleat, atque adeo illius solutio non tangat aut offendat Deum, nec pietatem lædat; imò debeatur Cæsari tanquam victori, legum & monetæ conditori, & qui non petat violari religionem, sacra deferri, idola adorari, sed ex communi moneta reddi sibi numisma, in vsus promiscuos csum & merè Romanum. Damnum autem in eiusmodi rebus non tangere animum, & pauperiorem reddere non impium. Si quid peteret Cæsar contra viam Dei, id esse negandum, quod jam non Cæsaris tributum sit, sed Diaboli. Illum petere quod principes omnes petunt, quod

*Thren. Ierē.* antea Ægyptii\*, quod Seleucus ab eis petierat, quod  
*c.1.* Pompeius: imò quod vicissim Dauid aliquando vi-  
*\*12.1. Sam.* storà gentibus Moabiticis accepisset\*, quodque a-  
*c.8.* deo semper ei in cuius manum Deus victoriam dederit, ve ex ipsa Dei ordinatione & lege expressa debeatur\*, nimirum tributum ad reipublicæ administrationem. Reddi igitur debere tributum, quod ex ipsa materia & forma manifestè ostendit nihil pertinere ad religionem violandam: & posse sine damno pietatis etiam Deo dicatum hominem dare tributum prophano principi, etiam non debitum, malentem obsequi



sequi quàm prouocare. At verò pietatem, inuocationem, animi fiduciam, vota oblationesque sacras Deo soli reddi oportere: vt & ipse Dominus Deo dedit quæ Dei sunt, faciendo voluntatem patris mittentis. \*Hac summa & medulla est responsi, cuius singula excutere opere precium fore mecum fatebimini. \*Iohan. 6.

Ante igitur quàm respondeat, *Ostendite mihi*, ait *numisma census*. antequam sententiam dicam, eamus in rem præsentem, videamus quid sit de quo agitur. Captiosæ est quæstio quæuis, ni termini probè discernantur. Quis scit an de illo tributo agatur, quod Pater meus lege sua à populo suo in Templum suum quotannis deferri voluit, quodque vos integra conscientia inde auertere non potestis. facile primo intuitu id viderimus. Nam quod singuli Iudæi maiores x x. annorum in Templum quotannis ferre iussi erant \* pro numine propitiando sui que redemptione, & in tutelam ædis ipsius vel tabernaculi; dimidium sicli argentei erat, quod efficiebat duas drachmas. Sicli autem imago & inscriptio nota: vna parte virga Aharonis perpetuè virens, cum hoc lemmate: IERV SCHALAIM KODS CHAH, *sancta Ierusalem*: altera, vna illa sacra recondendæ mannæ, cum litteris: SHEKELI ISRAEL, *siclus Israeliticus*. quales sicli hodieque etiam archetypi extant, & figuratum docti viri exhibent. \*

\*Bez. ad 17.  
Mat. Anto.  
Augustin.  
Dialogo 2.  
del. medagl.  
num. 2.



Hunc siclum sanctuarii colligebat archisynagoga à Iudæis synagogæ cuiuslibet subiectis, non solum in Iudæa sed etiam in aliis Romanorum prouinciis & ipsa vrbe Roma (vt Tullius eodem loco meminit) & collectam pecuniam ad summum Pontificem Hierosolymam trans mittebat, & vt securè transmitti posset è locis longinquis trans maria, à præsidibus subsidia armata ac λόγον συγχωρήσεως impetrabat. Quod adhuc durauit viuente Domino sub Augusto Tiberioque, vsque ad euersam urbem à Tito Vespasiani F. Idque in historia certum est, & errant plerique Homilarij, qui hanc fuisse Phariseis dubitandi & querendi causam scribunt, quod tributum Templo Dei destinatum debitumque Romani ad se transtulissent. Cum contrarium potius illos mouerit, quod nimirum Iudæi cum præter oblationes alias primitiarum & decimarum, semisiclum etiam istum ex lege quotannis præstarent; saltem de reliquo liberi & immunes essent vellent, & pergrauæ eis videretur, Cæsari insuper censitione obnoxios esse. vt rectè Theophylactus hoc loco annotauit: *Nil dicis, inquit sub persona illorum, in gratiam Herodis aut Pilati. Dic igitur nobis, debemus & hominibus tributarii esse, & dare eis censum, sicut & Deo didrachmum? an soli Deo tribuimus? nunquid autem & Cæsari?*

\* *Matt. 17.* Patet id ab ipsius Domini exemplo, quem legimus cum venisset Capernaum, vbi frequenter versari solebat, & exactores didrachmi cum de solutione per Petrum interpellarent, quamuis se ab eo tributo liberum esse demonstraret, quod sicut reges gentium non suis filiis vectigalia imponant sed alienis, ita & Dei filio Templique ac regni paterni consorti pensatio illa non incumbat; tamen ne noceret exemplo, qui



qui venerat legem in omnibus implere, hoc quoque non recusasse; & omnem suspicionem contemtæ religionis, loci sacri & sacerdotii vitare volentem, de statere inuento in ore piscis persolui tributum pro se & Petro iussisse. Didrachma enim semisiclum, stater duas didrachmas vnumque siclum efficit, vt Epiphanius docet. \* Quod ipsum certè non ad exactores quæstoresque Romanos & capitis tributum ab eis impositum (vt Beda cum aliis quibusdam, & Budæus \* è nostris, & postremò Maldonatus putarunt) sed ad collationem illam antiquam pro fartis rectis templi à Deo institutam referendum esse rectè Hilarius, & Theologorum nostrorum plerique, & Hotomanus etiam \* intellexerunt. Et multis demum postea annis Tituse uersa vrbe sancta Iudæis sub imperio Romano expatriis legibus viuere volentibus hanc conditionem imposuit, vt Romæ ad Iouem Capitolinum illud argenti pendereur, Suetonio & Dione auctoribus: cum antea occupata à se maxima parte vrbis Iudæis exprobrasset, quod tributum illud Dei nomine & donaria permissu Romanorum collecta eos semper reddidissent ditiores & ferociores ad rebellandum, vt Iosephus \* vernaculus testis & Egesippus prodiderunt.

\* lib. 8. de ponder. & mensur.  
\* lib. 5. de Assc.

\* De re num. mar. p. 358.

\* lib. 7. §. 26.

Redeamus ad censum à Cæsare peticum, quem primus Pompeius Iudæis, antea Romanorum foederatis sociis, gente victa, vrbeque capta, jure victoriæ imposuit, Ducem eis statuit, Iudææ fines determinauit \*: deinde Cæsar Augustus, cum triumphis sublati solus rerum potiretur, in generali illa orbis descriptione, cum per omnes subactas prouincias censum ageret, in Iudæa etiam reuocauit, & ad certam summam taxauit. Non iubet autem Dominus

\* Egesipp. l. c. 17. Sulpit. Sener. lib. 2.

siclum

fielum illum templarium sibi exhiberi, ac ne *numisma* quidem simpliciter, vt vulgò quidam scribunt; Tum temporis subiectionem Iudæorum ex amissa *αὐτονομία* & moneta apparuisse, quod non sua amplius sed Romana pecunia vti cogerentur. Nam nec *αὐτονομίαν* penitus amiserant, cum etiam sub Romanis sacerdotes suos haberent, & ritus patrios liberè colerent, vt de siclo templi modò dictum, & mox de aliis id genus pluribus dicetur: & quod sub Græcis regibus, nominatim autem Demetrio Syriæ rege, Simoni sacerdoti magno Iudæorum inter alia priuilegia & immunita-

\* 1. Macha. tes concessum etiã legimus \*, *facere percussuram proprii numismatis in regione sua*; id eis à Romanis ademtum & abrogatum fuisse nusquam legimus. Quam-

c. 15.

\* Dion. lib. quàm Romanæ vsum concedere: \* *μήτε δὲ νομίσματα ἢ*

52.

*καὶ χαλμά, ἢ μέτρα ἰδιά πρὸς αὐτῶν ἐχέτω, ἀλλὰ πῶς ἡμετέροις καὶ ἐκείνοι πάντες χρῆσθωσι.* Et sanè fieri non potuit,

cum Iudæi Romanis legibus & moribus assuescerent, quin & ad commodiorem certioresq; commerciorum rationem simul vel Romanis nummis inter suos promiscuè vterentur, vel saltem suas monetas ad calculi rationem illis vsitatam, denariam dico & sesterariam, redigerent & computarent. Vnde apud Euangelistas etiam sub Domini verbis *denariorum* & *assariorum* non vna mentio. \* Sed tamen habuisse Iu-

\* Matt. 20.

Marc. 12.

Luc. 12.

Iohan. 8.

Act. 19.

dxos non minus quàm ante siclos suos, didrachmas, stateres, charactere vernaculo, in historia Iesu passim quoque animaduertimus: quin & ipsum triginta argenteis venditum. quod cum apud Mattheum ita legitur: *οἱ δὲ ἔφησαν αὐτῷ τριάκοντα ἀργύρια*, Eusebius ita trans-

trans-



transscripsit, τριάκοντα σάτῃρας. \* Ex quorum numero \* lib. 4. de-  
 si vel illum argēteum qui Romæ adhuc in æde S. Cru. monstr. En-  
 cis in Hierusalem ostentatur, \* vel qui Parisiis in æde ang.  
 Iohannis Lateranensis, trans vitrum spectandus, re- \* apud Ant.  
 cognoscamus ( meam enim fidem interponere no- Augustinū.  
 lim ) apparebit Romanum minimè fuisse. Dial. 2. nū 1.  
 Hercu. Pro-  
 dic. p. 367.  
 Eud. 5. de  
 Asse.



Vt non dubitem, Iudæos eo tempore nummos suos  
 & monetas proprias etiam in commerciis adhuc ha-  
 buisse, si non & cudisse. Et hinc est quod requirit Do-  
 minus non simpliciter exhiberi sibi eorum numisma,  
 sed *numisma census*, νόμισμα τῆ κλώσεως, id est, genus mo-  
 netæ huic functioni proprium, quo defungerentur  
 censu suæ provinciæ indicto. Id. n. est κλώς, vt Sui-  
 das exponit: Κλώς, νόμισμα ἐτήσιον τέλος, ὡς καὶ τὸ καίνω, τὸ  
 κόπτω. Et iterum, Κλώς, ἔστω τῇ ἑπικωρίᾳ γλώσσα Ρωμαί-  
 οἱ τῶν ἐξέτασιν τῆ Ρωμαϊκῆς πλῆθους προσαγορεύουσι. Et Hes-  
 ychius: Κίνσως, εἶδος νομίσματος ἑπικεφαλαίων. & ita in toto  
 Pandectarum titulo *De censibus*. Quasi dicat Domi-  
 nus: Hoc inspecto cuiusmodi sit, facile erit iudici-  
 catu, Deóne an Cæsari eum dare debeatis. Vnde ap-  
 paret, Dominum de vi argumenti sui iam certum fu-  
 isse, & quid sibi exhibendum esset, & ex eo necessari-  
 am consequentiam iam tum præuidisse. Si enim quo-  
 uis pecuniæ genere, aut si etiam plusquam vno per-  
 solui tributum potuisset, planè incerta & fallax fuisset

instantia de exhibēdo numismate census: propterea quod Pharisei siue casu siue malitia aliud nummi genus protulissent, nihil tale ad Cæsarem inferri inde, neque accommodari illa argumentatio potuisset.

Statuendum itaque omnino est, vt hodie in plerisque regnis, principatibus, rebus publicis, in quibus certæ à subditis pensitationes exiguntur, capitationes, centesimæ, teloneæ, & alia, vsu receptum & præscriptum est, easdem in certo pecuniæ genere, quod exigenti maximè placuerit, deponi; vt non sufficiat valorem & quātitatem ipsam dari, nisi in ea specie expressa detur: ita veteres etiam Romanos, Cæsares præsertim, callidissimos gubernandi artifices, deuictis gentibus omnibusque prouinciis suis non tantum tributa imperasse, sed ea etiam in certo monetæ genere, & quidem argenteo plerumque (vt Plinius annotauit\*) neq; sanè alio quàm Romano, in signum nimirum subiectionis & recognitionem dominatus sui, fisco inferri voluisse. Stante republica, populis bello superatis quandoque summas talentorum (quod summæ genus Græcis etiam aliisque populis commune, Τάλαντα) indictas apud Liuium, Florum, Polybium legimus: aliquādo Bigatorum & Victoriarum, quæ Romanæ pecuniæ erant, & Consulum nominibus insignitæ. Recognoscebant in ipso earum caractere sæpe gentes miseræ calamitatem suam, cum Romani non tantum magistratuum suorum titulos, sed illas ipsas expeditiones suas & victorias inscriberent. vt exempli gratia (ne à Iudæis longius abeamus) à M. Scauro & A. Plautio, vtroq; Cn. Pompeii in Asia legato & proquæstore, quorum Iosephus meminit\*, illo ARETAS REX Arabum, hoc BACCHIVS IYDAEVS Arabiæ & ipse regulus, superati in dena-

\*lib. 33. c. 3.

\*lib. 14. c. 4.  
Es bell. Iud.  
1. c. 6.



denariis exprimuntur, supplicum ritu dextro genu nixi, camelos tenentes, & olivæ ramum paci impetrandæ dextra prætendentes.\*

\* apud Ful.  
Vrsin. in fa-  
mil. Rom. p.  
200. Eriſ. p.  
182. & 274.  
Piso p. 131.



At ne hoc quidem ad id quod quæritur satis est videndumq; modò est propius, quid sub Cæsare Augusto in vsu fuerit. Si enim satis fuisset quemvis denarium, modò Romanum, exhibere; habuissent autem Romani in vsu denariorum varia genera, in quæ veteres regii, consulares, dictatorii, triumvirales, ædilitii, bigati, victoriatii (vt habuisse eos vel Pomponius I C \* illo ævo meminit, & magna eorum copia ad nostrum vsque ævum superat) potuisset & sic quæstio & argumentum de denario census, seu casu seu dolo facile eludi. Et hoc est illud, quod magnos illos Ecclesiæ Romanæ Doctores fugit, nobis autem laicis & semidoctis non ita est difficile explicatu. Scribit enim Cæsar Baronius Cardinalis \* moris fuisse apud Romanos, vt numismata pro ratione tributi vel census ab Impp. cuderentur, nec uno semper modo eadem permanerent, sed secundum incrementa & decrementa tributorum & ipsa mutarentur: adèò vt numismata tributorum à cateris vsualis pecunia nummis in eo differrent, quod istorum precium semper idem esset; numismata verò census & tributi, quoties mutaretur eius quantitas, eadem à rationem tributi nouiter formarètur, Et affert locum Lampridii in Alexandro,

\* L. numismatum. 28.  
D. de vsufr.

\* Annal. i.  
sub anno  
Christi 34.  
Tiberij Im-  
per. 18.

C ij quem

quem quia & ad censum hunc non pertinet, & xui longè posterioris est, ne recitandum quidem duxi. Certè peculiare pro modo indictionum nummigenus, modò grauius, modò leuius, subinde fabricatum nusquam adhuc legi: & hoc ipso nostro loco dicitur prolatus Denarius pro numismate census, vulgatum & tritum nummigenus, quod drachmam Atticam pondere æquaret, & decem asses ære Cypriocosos valeret, vt Volusius Matianus, Priscianus, Fannius, Plinius docent. Et quod deinceps sub Tito Iudæis impositum erat didrachmum, nil aliud erat, quam duo denarii, vt est comperitissimum. Non igitur ratione ponderis & valoris, sed formæ potius certum quendam nummum Cæsar in tributo exigebat, nimirum (vt rem tandem aperiam) vultu & nomine suo insignitum. Nam vt stante Republica per triumphuiros & Consules monetæ feriebantur: ita principatu ad vnum deuoluto, vt in operibus omnibus publicis sui nominis inscriptionem Cæsares affectarunt, vel

\*l.3.D.de operib.publ.

Macro I C. teste\*; sic in moneta quoque publica caput suum cum ornamentis Imperatoriis, suaq; gesta & dignitatum memoriam conspici voluerunt: idque præsertim in tributo à Prouinciis accipiendo strictissimè seruauerunt, vt hic Euangelistæ locus auro contra non carus euidenter docet. De Nerone scribit Suetonius\*, eo fastidio & accerbitate tributa & debita exigisse, vt nummos etiam suos non nisi asperos, id est ab officina adhuc recentes, velutique ab incude calentes, & nouitate quadam grata (vt Apulejus loquitur) candentes acciperet. Obuia sunt loca in ipsis Principum constitutionibus per Codicem Theodosii & Iustiniani, etiam cum de illationibus publicis, fiscalibus redditibus, vectigalibus, auro coronario,

adæ-



a latione agitur, vbi *solidi principū veneratione formali, æternales vultus, sacrum os, diuini vultus* eis impressi dicuntur. Adeoque (quod miremur) mansit ea consuetudo apud Romanos principes integra & diuturna, vt etiam viribus suis accisis & Imperio declinante hanc maiestatis suæ significationem nollent remittere. Vel de Iustiniano II. dicto postea Rhinotmeto legimus\*, qui foedus Arabicum quod cum rege Habdimelich habebat, vltro & magno quidem suo malorupit, causa ex eo sumpta, quod annui tributi moneta ab illo missa non Romanum (vt ipse volebat) signum, sed nouum & antea inuisum Arabicum haberet: cum quidem Habdimelich multum deprecaretur, quando Arabibus nefas esset Romanorum incisione &figuratione vultum in suis nummis vtī, & pondus auri sufficiens Cæsari offerret, ne Romani damnum vllum causari possent.

Et sanè credibile est, vel eo grauius fuisse Iudæis tributum Romanis pendere, quod vltra dispendium argenti, Cæsaris etiam imaginem conquirere, manibus contrectare, atque adeò illi afferre cogerentur. Cum memores ipsi diuinæ legis omne pictum sculptumque summæ execrationi haberent: adeò vt non semel non dicam obstatuas aliquas hominum aut Deorum, aut aquilam argenteam in templis eorum collocatas, sed saltem ob militaria insignia exercituum Romanorum regioni illata graues turbas dederint, vitam potius profunderē, quàm tale quid admittere parati. Scribit Iosephus\*, omnes ante Pilatum Iudææ rectores sine signis ingredi muros ciuitatis consueuisse. Pilatum primum clanculum ingressum signa militaria secum allata, in quibus imagines Cæsaris erant, in vrbe constituisse. Iudæis diu multumque in-

\* Zonaras  
to. 3. p. 73. P.  
Diac. hist.  
miscel. 9.

\* lib. 17. c. 5.  
§ 18. c. 11. 15.  
§ 2. belli  
Jud. c. 8.

stantibus vt tollerentur, tamen quod in Cæsaris injuriam id vergere videretur, facere noluisse, mortem insuper illis comminatum nisi quiescerent. Illos mortem se potius electuros, quàm patriam legem transgressuros palam affirmasse: vt Pilatus tandem admiratus siue religionem siue pertinaciam illorum, signa Cæsaream transferri jusserit. Quod ipsum initium ruinæ gentis fuisse, nec aliunde fatale illud bellum cum Romanis & surrexisse & creuisse Egesippus scribit.\* Taciti testimonium de gente Iudæa hoc loco non omittam, quam ait \* *mente sola vnumque numen intelligere, summum illud & æternum: nulla simulacra uribus suis, nedum templis habere: non Regibus hanc adulationem, non Cæsaribus honorem deferre.*

Simile quid etiamnum videmus in Turcis, qui cum habeant legem Mahometis, qua statuas, simulacra, sculptos pictosque iconas seuerè prohibuit, ipsi Musulmanni (Leunclalaj fidedigni & ἀντίπλῃ narratoris fide \* referam) non tantum magno zelo positas in templis per Christianos imagines frangere, disturbare, abolere solent; sed & Romanorum Græcorumque principum capita in nummis antiquis expressa conspicati, violari legem Prophetæ clamant, & vsum nummorum eiusmodi veterum omninò è medio tollendum censent. Quamuis hodiè non admodum eos hac religione, in pecuniis saltem, tangi idem auctor testetur.

Pharisæi tamen (vt ad hos redeamus) Christo petente sibi exhiberi numisma census, vel vt paullo breuius Marcus & Lucas rem memorant, petente *afferri sibi denarium vt eum videat*, obtulerunt ei denarium. nō siclum Hebræum, non didrachmum aut staterem Græcum (non enim hos Cæsar volebat) sed denarium

Roma-

\* lib. 2. c. 3.

\* Histor. 5.

\* Pandect.

Turc. m. 55.



Romanum. Ac ne hunc quidem paullo antiquiorem, consularem nimirum (quamvis & hic Consulum Romanorum atque adeo Prætorum & imperatorum exercitus nomina prætulisset, quique tam cum imperio fuissent, quàm postea ipsi Cæsares consulatum gesserunt) sed sui æui, Tiberiani imperij. Quærit enim Dominus nummo conspecto, quasi parum agnosceret eiusmodi litteras atq; imagines, qui tractabat cœlestia, *Cuius si imago et superscriptio?* his duobus nummus censetur, nec ipse aliud est quàm

*Concisum argentum in titulos faciesq; minutas.*

*Iuvenal. 14.*

Quærit, non quod nescierit (vt Hieron. ait) sed vt ad quæstionem illorum competenter respondeat: vt Iudex bonus quædam ex partibus etiam vltro quærere solet, vt confessionibus eorum acceptatis congruam meritis sententiã ferat. Venerant ipsi Iesum illaqueare verbis ipsius: at eos potius ille capit, captosque tenet ipsorum respõsis. Respondent enim ei quod res est, *Cæsar*. Quid audio, *Cæsar*? Ita est, & vt Iuencus Presbyter hunc locum vertit:

*Aspicite en nummum sculptiq; numismatis æra,  
Cæsar* expressum facile est ibi cernere vultum.

Et Prudentius in martyrio Laurentij:

*En Cæsar agnoscit suum  
Numisma nummis inditum,  
Augustus arcem possidens:  
Cui nummus omnis scribitur.*

Cæsarem hoc loco accipimus non Augustum iam defunctum, sed Tiberium eius priuignum & adoptiuũ, cuius tũ imperij decimus octauus circiter annus vertebatur. Vt et cum iidem Iudæi dicunt: *Non habemus regem nisi Cæsarem*. Et: *Omnis faciens se ipsum regem, contra facit Cæsari*. Et: *Non es amicus Cæsar*. Nec abfuit alter titulus,

titulus, *Pontificis Maximi*, in illius operibus & nummis perpetuus, & à successoribus etiam affectatus vsq; ad Constantinum, vt esset. idem *potestate Imperator*, *virtute Victor*, *Augustus sanctitate*, *Pontifex religione*, *indulgentia Pater*. \* iam auersa parte nummi quid? forte illud ipsum quod in aureis argenteisque frequens conspiciamus, PONTIFEX MAXIMVS.

\* *Auson. Panegyrico.*



vel aliud quidpiam elogij, CLEMENTIAE, MODERATIONI, PROVIDENTIAE AVG. item PERPETVAE PACI AVG. aut tale quid adulatorium: aut Deorum Dearumue, aut Semonum aliquis, & forte Diana Ephesia, cuius D. Lucas meminit. \* Videas & in quibusdam Augustæis eius æui, & despuas: SALVS. GENERIS. HUMANI. Et sanè Cæsar ipse Diui instar formatus, os humerosque Deo similis, Cæsaries radiata, lauru redimita; additum etiam, DIVI. AVG. F. Et sub patris eius imagine, DIVO. AVGVSTO. Quin & nummum hunc suum vult quodammodo pro re sancta & numinis plena haberi. Refert Philostratus \*, Apendi vrbe Pamphiliæ, in qua & asylum Tiberij erat, statuas eius Principis pene sanctiores ipsius Iouis Olympij simulacris habitas fuisse: adeò vt quidam maiestatis damnatus fuerit, quod servum suum verberasset, qui drachmam siue denarium argenteum Tiberij imagine signatum palàm manu gestasset,

\* *Aster. 19.*

\* *in Apollo. Tyan. lib. 1.*



gestasset, τυπήσας, inquit, τὸν ἑαυτῷ δῶλον φέροντα  
 δραχμὴν ἀργυρὰν νενομισμένην ἐς Τιβέριον. Tranquillus  
 & Seneca\* scribunt, *Eo rem processisse in crimine ma-  
 iestatis, ut capitale esset, nummo vel annulo impressam Au-  
 gusti imaginem latrina aut lupanari intulisse.* Habet er-  
 go denarius censualis Cæsaris nomen & vultum, &  
 consequenter ab ipso Cæsare percussus: nec Iudæi  
 rem tam execrabilem vnquam fecissent. Et dubi-  
 tabant adhuc, an rem non tantum profanam, sed &  
 pagana superstitione imbutam abiicere & erogare  
 deberent: nec religio eis erat, pictum sculptumq; &  
 idolo proximum penes se habere.

Et hinc aptissimè Dominus infert, quasi causa be-  
 ne cognita, rei ipsa oculis subiecta, confessione par-  
 tium audita: Ergo, etiam lege vestra iubente, cuius  
 seruandæ studio me consulere simulaistis, quæ vos  
 iconibus & idolis idolothytiisque abstinere iubet;  
*reddite Cæsari quæ eius sunt.* Et hūc nummum igitur. De-  
 narius enim hic est Cæsaris, siue formam spectetis,  
 Cæsar nummo formam atque adeo essentiam dedit.  
 Vt IC. dicit\* definiens monetam, *esse materiam electam  
 forma publica percussam, quæ usum dominiumq; non tam ex  
 substantia prabeat quàm ex quantitate.* Forma autem  
 est effigies & titulus, quem ille non renuente Senatu,  
 & sic vt magistratus non tantum pro tempore rerum  
 potiens, sed etiam legitimè vocatus impressit. Si-  
 ue materiam spectetis (quæ forte non abs re formæ  
 cederet) et ipsa verè Cæsaris est, vt è metallis Cæsaria-  
 nis effossa, in moneta Palatina procusa, & ab eo pu-  
 blicata, vt subditi hoc medio vltro citroque inter se  
 mercari & contrahere possint, quod omnium rerum  
 promercialium precium certum constituit, sine quo  
 nec victus comparandi facultas est expedita, vt ele-

\* Sueton. in  
 Tib. Seneca  
 de benefi.

\* l. i. D. de  
 contr. emt.

\* *Cassiodor.* ganter Athalaricus rex Gothorum ait, \* *Principis* &  
 6. *variar.* 7. *maginem subditos videri pascere per commercium, cuius con-*  
*silia inuigilare non desinunt pro salute cunctorum.* Ipsum  
 denique reddite Cæsarem Cæsari. Nam & hi num-  
 mi Cæsarium, ipsorum quorum imagines ferrent no-  
 minibus solebant indigitari, vt *Philippi, Traiani, Do-*  
 \* 4. *epigr.* 28. *mitiani* dicerentur. Martialis \*: *Et centum Dominos*  
*noxe moneta.* Iuuenalis viii. *Dacicus aut scripto radiat*  
*Germanicus auro.* Atque ita hæc verba Christi ac-  
 cepit Karolus Magnus Francorum Rex (cuius au-  
 \* lib. 3. c. 17.  
 & 2. c. 28. *toritate libenter vtimur*) in libro De imaginibus \*.  
*Dominus & saluator noster & per paginam veteris testa-*  
*menti imagines adorare inhibuit, & per corporalem præ-*  
*sentiam imaginem Cæsaris Cæsari potius reddendam quàm*  
*adorandam censuit.* Et iterum: *si crucem tollere & Do-*  
*minum sequi iubemur, & rursus imaginem Cæsaris Cæsa-*  
*ri reddere debemus: non sunt imagines cruci equiparanda,*  
*non adoranda, non colenda, sed huic mundo cum ceteris*  
*que mundi sunt relinquenda.*

Non vtitur Dominus illo vulgato, & falso, neq;  
 \* *Dd. in l. 3.* illud auctoritate sua confirmat: *Omnia sunt Principis* \*,  
 C. de quadr.  
 præscript. ergo & nummus. Nam neque Cæsar hoc exigebat,  
 neque etiam nummos omnes sua imagine signatos  
 à Iudæis aliisue hoc solo argumento repetebat, vt si  
 hodie rex Hispaniæ omnes Philippeos, vel Papa  
 Romanus Paulinos (quos vocant) omnes ob id so-  
 lum quod sua imagine signati sint, vindicare velit.  
 vt benè & dextre Nicolaus Oresmius episcopus Le-  
 xouiensis, qui fuit præceptor Caroli VI. Sapientis di-  
 & i, hunc locum explicat & enucleat, \* cuius verba,  
 quod non passim in omnium manibus versentur, ad-  
 scribere non pigrabor: *Quamuis pro utilitate commu-*  
 ni Princeps habeat signare numisma, non tamen ipse domi-  
 nus sine



*mus siue proprietarius est moneta currentis in suo principatu; sed is qui pro eo numismate rem suam vel laborem proprii corporis dedit. Si quis autem vellet opponere per hoc, quod Saluator noster ostenso sibi quodam denario interrogauit dicens, Cuius est imago & superscriptio hæc? & cum responsum esset, Cæsaris; ipse sententiauit dicens: Reddite igitur quæ sunt Cæsaris, Cæsari, & quæ Dei sunt Deo. ac si diceret; Cæsaris est numisma, ex quo imago Regis in eo est impressa. Sed inspicienti seriem Enangelij patet facile, quod non ideo dicitur Cæsari deberi denarius, quia erat Cæsaris imagine superscriptus, sed quoniam erat tributum. Nam (ut ait Apostolus) cui tributum, tributum; & cui vectigal, vectigal. Christus itaq; significauit, per hoc posse cognosci, cui debeatur tributum: quia illi debeatur, qui pro Republica militabat, & qui ratione Imperij poterat fabricare monetam. Hæc ille. Ex quibus, ut etiam iuniorum captui rem insinuemus, apparet tale argumentum Domini fuisse, cuius nulli parti contradici vlla fronte potest:*

*Quæ Cæsaris sunt, ita ut Dei ius nihil attingant, danda sunt Cæsari: ut generaliter suum cuique. Numisma census, siue denarius censualis, est Cæsaris. Deum non attinet.*

*Ergo Cæsari non grauatim dandus. Minor propositio per elicitam ipsorum aduersariorum confessionem, probatam probationem habet, hoc modo:*

*Census omnis, dictante iure gentium & sensu communi, est eius qui iure victoriæ eum imperat victis; & ipse rerum potiens suo arbitrio, atque ad eo sua si velit imagine, eum signat.*

*Hic census à Cæsare, orbis subacti descriptione facta, exigitur, & talis signatur. ad Deum autem*

nihil pertinet, ut ipse loquitur.

Ergo Cæsaris est.

Non ergo omne argentum signatum sui characteris prætextu Cæsar à subditis vindicabat, ac ne plures quidem vno denarios pro recognitione dominatus sui accipiebat. Modestum planè tributum & tolerabile. Laudat Dio Cassius\* Augustum, quod pro restituendo Palatio incendio absumto à priuatis denarium, à singulis verò collegiis aureum tantum, qui constabat denariis xxv. accepisset. Erat denarius merces diurna vnius operarij, ut apud Matthæum

*Matth. 20.*

videmus\*: et stipendium diurnum vnius militis, ut ex Tacito discimus. Iam magistratui quācum debeat, qui subditos custodit, qui legiones alit ut eos in officio & pace contineat: & propter bella necessario militi stipendium præbetur, ne dum sumtus quæritur, prado grassetur, ait Augustinus ad hunc locum\*. Est aliquid quod Cæsar vobis Iudæis præstat. defendit vos ab inimicis quos prius habebatis, Arabibus, Parthis: nec pyramidibus & obeliscis ædificandis vos occupat, ut Ægyptij Pharaones & Ptolemæi: nec vsurpat tota illa iura Regis, quæ olim

\* *can. 4. & seq. 23. q. 1.*

\* *1. Samuel. cap. 8.*

cum Regem vobis exemplo aliarum gentium à Deo flagitaretis, ab irato illo Regi concessa sunt\*. Quin Iudæagens, ut ipsa legis suæ & rituum propriorum studiosissima & ad superstitionem vsq; tenacissima, ita nec grauabatur à Romanis in suis sacris & ceremoniis. Et hos quidem olim ipsi Iudæi vltro sibi socios & amicos ascuerant, eorumque foedus & suppetias experierant\*, ut imputare sibi ipsis bona ex parte deberent, si deinceps in eorum potestatem venerant: cum lege diuina vetarentur cum infidelibus foedus pangere, & experientia humanā scire deberent, po-

\* *1. Machab. c. 8. Jo- seph. 12. c. 17.*

rentiorum



tentiorum coniunctionem & inæqualia fœdera, infida esse solere. Sed tamen Romani gentis Hebrææ libertatem & religionem satis comiter conseruabant, & præ aliis populis in prouinciam redactis, Iudæis certè æquiores semper fuerunt. De Augusto Philo testatur\*, eum non tantum in Palestina eorum religioni aut reipublicæ nihil derogasse, sed & bonam Urbis partem trans Tiberim tenentes Iudæos tolerasse, nec eorum proseuchas, in quibus cœtus suos præsertim sabbatis haberent impediisse. Claudium etiam Cæsarem omnia Iudæis iura, leges & consuetudines confirmasse, & vestem sacerdotalem eis liberè dimisisse, quæ prius sub manu Romanorum erat, Iosephus\* fatetur. Quin & Titum post Urbis excidium petentes Antiochenos, *Iudæorum priuilegia aboleri*, repulisse idem testatur. Hinc est & vox Pilati ad Iudæos: *Accipite eum vos, & secundum legem vestram indicate*. Itaque etiam circumcisio eorum lege excepta\*; & Sabbata tolerata; & in muneribus publicis, quibus æquo iure cum aliis ciuibus tenebantur, ea moderatio adhibita, *Ne qua superstitionem eorum lederent*\*. Et cum aliàs Romæ conuentus & coitiones hominum, præsertim collegia religionis gratia non faciliè concederentur, Iudæis tamen concessa sua synedria, synagogas, proseuchas fatetur Iosephus, & auctores nostri meminerunt\*. Et adhuc sub Constâtino M. Syriarchas & Phœniciarchas fuisse, & magna indignatione habitos, ipse testatur\*. Ne quidquam iam de Christianorum Imperatorum constitutionibus, & in Iudæos indulgentia\* dicam. Augustus certè tributum huius, de quo agimus, exactor ita æquus Iudæis fuit, Philone teste, ut non tantum pari iure cum alijs ciuibus eos haberet, sed & quoties

\* *legat. ad Caium Imp.*

\* *Ios. 19. cap. 4. & 20. c. 3. & 7. bel. Ind. c. 37.*

\* *l. 11. D. ad leg. Cor. de f. car.*

\* *l. 3. §. ult. D. de decur.*

\* *l. 15. §. non D. de excus. tutor.*

\* *l. 1. C. de natur. libert.*

\* *C. de Iuda. Cuiac. 7. obseruat. c. 30.*

menstruas pecunias, frumenti distributiones populus acciperet, Iudæorum etiam (qui alias plerumque sordidè pauperes erant, & mendicando inque triuiis vaticinando miseri ærascatores ægrè vitam tolerabant) rationem haberi vellet: adeò ut si quando ea liberalitas in sabbatum incideret, diribitores publicum beneficium in posterum diem differre iuberet.

Adeò igitur nullo Machabeo vindice hîc opus, ut voce Domini potius iubeantur Cæsari tributum non dare, sed *reddere*. quasi nil gratuitum aut sterile, sed redhostimentum patrociniæ & defensionis; eodem iure quo ante Seleuco regi, & Pompeio Magno id dedissent. Nec in Cæsaris personam id intelligendum est, sed habentibus etiam causam à Cæsare: quales sunt mancipes, publicani & redemptores vestigalium, quibus Iudæa (ut suprà relatum) fuerat elocata, quorumque in historia sacra frequens & non bona mentio. Dummodo & hi modum, quem Baptistes eis præscripsit\*, seruent, nec ultrà quàm constitutum eis, exigant. Ut vice versa hodie Christiani principes Iudæis sua iura & vestigalia elocare non prohibentur\*.

Itaque ut & mater Domini in descriptione illa generali sub Augusto & Quirino præside se stitit, censumque capitis sui tum vterum gerens detulit, ipseque Dominus (ut Eusebius dicit\*) ciuis Romanus nasci & censi voluit: ita & Apostoli eius hoc præceptum popularibus suis inculcare non desierunt; Necesse esse subiici magistratui, ut Dei ministro gladio armato, non tantum formidine pœna, sed etiam ob conscientiam, atq; idèò etiam tributum ei solui. Et generaliter, subiicit\*, *red-dite omnibus quod debetis; cui tributum, tributum; cui vestigal, vestigal*. Et semel condemnata voce supremi iudicis

\* Luc. c. 3.

\* cap. 18. de  
Iud. sarracè.

\* 4. histor.  
c. 26.

\* Paul. ad  
Rom. 13.



mi iudicis Iudæa natio, sequentibus temporibus iugum tributi excutere, licet subinde rebellando niteretur, non potuit: sed potius fato eos ad poenam perfidiæ & crudelitatis suæ ducente, vitam simul & patriam cum libertate tandem amiserunt, Tito Cæs. Vespasiani F. executione diuinitus demandata. De quo hoc solum dicam, extare præter historias eius victoriæ monumētum Romæ ad radices montis Palatini, arcum marmoreum cum superba inscriptione, in quo sculptæ manubiæ & spolia templi in triumpho per ostentationem traducta, candelabrum affabrè expressum, cum arca fœderis, & tabulis diuinæ legis. In eius nummis apparere trophenm cum duobus captiuis assidentibus; item triumphalem quadrigam duobus captiuis præcedentibus. Esse & alios Vespasiano inscriptos, quibus inest Victoria scuto inscribens, captiuis assidentibus; item Iudæa muliebri figura expressa habitu lugubri assidens tropheo; in aliis duo captiui sedentes sub palma (quæ Iudææ hieroglyphicon) hac inscriptione signatos: IVDAEA. CAPTA.



C. Va'erius Flaccus qui Argonautica sua Vespasiano Imp. inscripsit, auguratur \* filium eius Titum, tunc versa Idume pulvere Solymo nigrantem (vt loquitur) paterno nomini templa, apud gentem nimirum talium insuetam & impatientem, consecraturum:

\* lib. 1. in princ.

Ille

*Ille tibi cultusque Deūm, delubraque genti  
Instituēt, cum iam genitor lucebis ab omni  
Parte poli.*

Hoc ergo Tito victore capitatio illa Iudæorum prior aggrauata est, vt pro denario totam didrachmam, quæ in templum Solymeum quotannis inferri solebat, vbicunque gentium agerent, deinceps penderent Ioui Capitolino, vt Iosephus \* & Romani scriptores testantur. At Domitianum Titifratrem Suetonius auctor est, Iudæos Romæ agentes, & alios etiam pro Iudæis suspectos grauissimè vexasse: *Præter ceteros (inquit) Iudaicus fiscus acerbissimè actus est, ad quem deferebantur, qui velut professi Iudaicam sectam intra urbem viuerent, vel dissimulata origine imposita genti tributa non pependissent.* et addit: *Interfuisse adolescentem me memini, cum à procuratore frequentissimo concilio inspiceretur nonagenarius senex, an circumsectus esset.* Sub eo Martialis alludit \*:

\* li. 7. epi. 54.

*Sed quæ de Solymis venit perustis,*

*Damnatam modò mentulam tributis.*

Nerua bonus Imperator illi bellæ succedens vexationem calumniosam sustulit, & ne liceret amplius maiestatis aut Iudaismi quemquam deferre, edito vetuit, Dione auctore. Argenteus nummus eius id exprimit, hac inscriptione: FISC. IVD. CALVMNIA. SVBLATA. palma in medio posita, Iudææ arbore familiari \*.

\* apud E-  
riz. p. 171.





Sed tamen calumniâ exactionis sublatâ, tributum ipsum mansit. Hadrianus Iudæis ad internecionem cæsis è ciuitate coloniam fecit, & nomen ei mutauit, à se Æliam vocans. Vlpianus I C. Alexandri Seueri Imp. familiaris, *Æliæ Capitolinæ & Cæsariensis* meminit \*, colonias in Palæstina vocans : negatque easius Italicum habere, vnde tributarias esse consequens est. Idemque scribit, *in Syria à XIIII. annis masculos, à XIII feminas, vsque ad LXV. annum tributo capitis obligari.* Tandem religione Capitolini Iouis euersa, pecunia hæc Iudaica largitionibus & ærario Principum inferbatur; neq; tantum didrachmam (de qua dictum) sed verò etiam aurum coronarium, quod Iudæi antea quotannis ex Italia & omnibus prouinciis Hierosolymam portare, & Patriarchæ suo conferre consueuerant, deinceps Imperatores sibi vindicarunt; & ita quidem, vt Iudæi hunc canonem anniuersarium suo periculo, compellentibus palatinis & officialibus præsidum colligerent, & collectum Romam ad thesauros Cæsaris mitterent \*. Quid autem hodie in eos Cæsari, Regibus & Principibus iuris sit, sunt qui peculiaribus commentariis exposuerint \*.

Et hæc de tributo dicta sint, de quo solo Pharisei quæsierant. At Dominus, qui reuera venit ad docendam viam veritatis, ita respondit, vt non tantum tributum illud Cæsaris imagine signatum, sed et si quid præterea Cæsaris est, eitribuendum pronuntiet. Quo dicto non illius tantum summæ potestatis apicem & maiestatem, sed omnium aliorum magistratum auctoritatem confirmauit, & voce pariter factisque ipsis docuit, quod alibi profitetur; Se non venisse vt euertat politias & ordinem rerum publicarum, sed vt stabiliat: quas & idè *ordinationem esse Dei*,

\* l. 1. & 3. D.  
de censib.

\* l. pen. C. de  
Iuda. Cuiac.  
ad l. 1. C. de  
auro coron.

\* Marq. de  
Susan. tract.  
de Iuda.

\* Egesipp. 2. c. 5. Apostolus pronuntiat. Idem scriptor belli Iudaici \*  
 testatur, *Christum dominum nihil aliud docentem, nisi quo primum Deo, deinde Principibus faceret populos obadi-  
 entes, à Pilato improbo cruci suffixum deplorans. Vult itaque præter tributum & vestigal etiam hono-  
 rem & reuerentiam, atque adeò amorem Principi deferri; & Cæsari ipsi, vt super omnes eminenti, (ait*  
 \* 1. Petri, c. 2. Apostolus \*) & Præsidibus eius, vt ab illo missis. In  
 rebus *meis* & temporalibus obœdientiam ei præstari,  
 in contractibus & negotiis ciuilibus leges eius serua-  
 ri: qua & tandem in parte à Christianis Principibus  
 \* 1. 6. 8. C. de Iuda. Iudæi in ordinem redacti fuerunt \*. Etsi enim lites  
 & fora Ethnica Christianis, quantum pote est, vi-  
 tanda suadet Apostolus \*: tamen vbi per aduersa-  
 rium non licet litibus carere, adire legitima tribuna-  
 lia & iure experiri nihil vetat. Vt ipse Apostolus cum  
 \* 2. ad Cor. c. 6. seditionis & rerum nouarum reus ageretur, jus Ro-  
 manæ ciuitatis allegauit, præsidum & Cæsaris tribu-  
 \* Act. 25. & 27. nali se stitit, nec forum declinauit, sed illuc à violen-  
 tia tãquam ad portum iustitiæ prouocauit, & ab An-  
 gelo audiit: *Ne metuas Paule, oportet te Cæsari sisti: Quod  
 si suum cuique reddendum est, ( vt idem monet ) nil  
 cuiquam debendum, etiam paganis, alienigenis; si  
 priuatis, quanto magis magistratui, licet Ethnico,  
 tamen cuius potestati ob peccata sua Iudæi commissi  
 erant, & omnis potestas à Deo. quo Dominus ipse  
 Pilatum iudicem sedentem & potestate sua feroci-  
 entem reuocauit: Non haberes, inquit, in me potestatem  
 iudicandi, nisi datum tibi esset desuper.*

At non in hoc substitit Dominus ( quod nec adeò  
 præter expectationem Phariseorum fuisset, aut effu-  
 giendo periculo satis ) neque officio docentis diui-  
 nam veritatem perfunctum se adhuc credidit: sed  
 addidit



addidit aliud quid maioris momenti, & ita temperavit responsum admirabili sua sapientia, ut neutri factioni se redderet obnoxium: sed potius pro bonitate sua utramque sibi inimicam factionem moneret, quod magis ad salutem illorum attineret, & in quo discendo majus operæ precium esset, quàm de denario census: nimirum ut Deo principi summo ante omnia soluant censum pietatis. Non tantum (inquit) *quæ Cæsaris sunt Cæsari date*; sed inprimis *quæ Dei sunt, Deo*. Iuencus ita reddidit:

*Solvite nunc illi propria sub lege tributum,*

*Atq; Deo proprium legis servemus honorem.*

Ergo quæ Dei & templi eius, domus orationis, ut didrachmum illud non Cæsaris sed propheticæ virgulæ & mysticæ suppellectilis figura signatum, ut antea, ei persolvite: solvite decimas, primitias, oblationes, & donaria ministerio sacerdotij destinata, ut Hieron. interpretatur. Adeò si quis esset nummus Deo debitus, & ita inscriptus, quem ipse peteret; eum bona fide reddite. At talem accepistis, ipsam animam Dei imagine insignitam, accepistis ab eo talentum ingenij, legis naturæ, iudicii, sensus communis, conscientiæ, aliorumque donorum: id benè collocare ad gloriam datoris, & cum fœnore fructibusque fideliter reddite: præsertim cum is non paullo & attentius & iustius quàm Cæsar suum requirat, ipse nummum perditum accensa candela quærat. Quin & hoc sibi imputabit, cum Cæsari suum dabitis. Magistratus cæteri jus suum à Cæsare habent, Cæsar à Deo, Dei ipsius est minister, nec frustra gladium gerit: & ut ipse præfectis suis gladium ad tutelam bonorum, excidium malorum committit, ita ad hunc usum prius à Deo accepit. Denique conjuncta est causa Dei &

\* *Salom. pro  
uerb. 24.*

Cæsaris, numinis & magistratus, quod iam olim sapientissimus Regum docuit \*: *Time Deum, fili mi, & Regem.* et deinceps Apostolus: *Deum time, Regem honorificate.* Coniuncta est, non confusa. Itaque neque occupate jura Cæsariana, neque vicissim quæ sacri iuris sunt, ad profanos vsus conferte: vt Eleemolynas, quas Christus pro se & membris suis acceptas fert; & alia sacris piisq; vsibus destinata illis conseruate, exemplo Laurentij eam ob causam sub Diocletiano passi. Multominus profanis rebus sacrorum reuerentiam, aut hominibus diuinos honores date. Id à Herodianis hinc factum; qui Herodi, non quidem huic, sed Antipæ, cum die quadam sederet regaliter ornatus pro tribunali, concionabundus ad populum, acclamarunt: *Vox Dei, & non hominis.* Tum confestim percussit eum angelus Domini, vt erosus à vermibus expiraret \*. Et tamen orta est postea secta hominum, qui legem quidem & prophetas acciperent, & resurrectionem etiam faterentur; Herodem antea illum regem percussum ab angelo ipsum vt Christum sperantes expectarent: quos inde *Herodianos* dictos Philastrius Brixienfis annotauit \*.

\* *Actor. 12.  
Ioseph. 18. c. 8*

\* *in catalo.  
hæres. p. 12.*

Ita vno responso Dominus pupugit vtramque partem, Herodianos qui impij erant, herumque suum nimio cultu afficiebant, & de statu regni sui tutando, Cæsarisque gratia per quem regnabant, conseruanda magis quam diuino cultu aut legis obseruatione laborabant; & Phariseos qui nimia superstitione tumeabant, & obtentu libertatis religiosa legiq; patriæ, quam se solos intelligere putabant, Principibus parere grauabantur. Atque ita dum illi ipsum alterutri parti inuisum reddere tentant, ipse eos Deo patiter & Cæsari aduersarios esse ostendit, & officij tamen erga



utrumque sui (si audire voluissent) communefacit. Ipse autem interea neque Cæsari ius suum infregit, aut Herodianos ei deuotos offendit; & vero Deo patri suo cultum debitum apud gentem illam vernaculam asseruit. quem Cæsares etiam Romani adeò euertere & abolere non potuerunt, ut ipsi tandem Deo vnico eiusque filio nomen darent, seque à Deo coronatos, *θεοσεβείς*, non inuiti agnoscerent: nec tantum nullum à templo dedicatum donarium auerterent, sed ipsi potius sua eo promptissimè & largissimè conferrent, omnemque splendorem & maiestatem suam eo referrent, denique monetam etiam suam Christi potius imaginem ferre, in eaque hoc legi iuberent: IHS. XPS. REX. REGNANTIVM.\*

\* Cedren. f. 563. Glycas 4. annal. p. 434. Cuiuspal. f. 80 Balsamon. in Nomocan. f. 24.

O magnam simplicissimè sapientiæ virtutem, quæ aduersarios in admirationē adductos & confusos coram populo, quo teste agebant, pudefacit, ut nihil reprehendere valentes obmutescerent, & se sua delusi abirent. Sed (ut eleganter Hieronymus addit) qui ad tantam credere sapientiam debuerant, mirati tantum sunt, quod calliditas eorum insidiandi locum non inuenisset: *et relicto eo abierunt*, infidelitatem pariter cum miraculo reportantes. Falsò igitur (ut ad initium suum nostra reuertat oratio) falsò præfati erant, *Scimus quod magister tu veritatis*. Imò nil minus scimus, nec scire nobis datum, nec scire id cupimus, aut ut credamus induci possumus, adeò increduli & peruicaces. Cananæcitijs credidisset; & verò passim audita doctrina, miraculis visis cum stupore, inclinant ad credendum. Antipater audito D. Paulo quasi cedens, *Parum abest, quin Christianus fiam*. Tiberius ad Senatum super Christo retulit. Alexander Seuerus in larario cum alijs posuit. Denique ita

Deo visum, ut gentiles illi, & nos Germani, nos barbari à Sole illo mollesceremus, Iudæis magis etiam adhuc induratis. Cui pro hoc beneficio sit laus & honor in sæcula.

## APPENDIX.

**H**is expositis videamus, hoc præceptum ab ore Domini profectum de veneratione, tributo, obœdientiaque magistratui præstanda, quis primus & maximè violauerit. Quis, nisi ille in Templo quidem & ecclesia Dei sedens, sed nihil eorum non dicam quæ Dominus iussit faciens aut etiam scire curans, verum in contrarium facere & moliri non dubitans: cui humanas res omnes miscere & pessundare ludus; cui audaci & sibi ipsi placenti, dominatus & potestates mundanas, quas etiam Angeli venerantur, contumeliosè habere & proculcare nulla est religio, ut de eo D. Petrus jam tum præsagiebat\*. Ut autem de eo tantum dicamus, quod est huius loci proprium, de nummo Cæsaris, de censu; Cornelia lege olim cautum erat, quæ *Nummaria* dicta, vel potius (quia hoc nimis cascum videri possit) à Principibus Christianis Valentiniano & Theodosio, item Majoriano & Theodosio, constitutionibus sancitum, à Iustiniano in Codicem suum relatum, & in pragmatica sanctione ad Vigilium Romæ Episcopum repetitum, deinceps etiam à Leone Philosopho Imp. in Oriente, & à Carolo denique Magno in Occidente iteratum, *Ne cuiquam nummos Principum quorumcunq; imagine formatos, modo alias iusti ponderis nec dubia fidei essent, in commerciis reprobare fas esset.* Porro cum transla-

\* 2. Pet. c. 2.  
 & Iud. v. 5. 8.  
 10.

\* Paul. 5.  
 sent. tit. 25. l.  
 1. C. de vet.  
 num. potest.  
 Theod. no-  
 uel. 25. Ma-  
 ior. 1. Prag.  
 sanct. ca. 14.  
 Leo no. 52.  
 Lombar. 3.  
 tit. 28.

rum



tum esset imperium è veteri Roma in nouam, & Imperatores Constantinopolitani per Exarchos suos Rauennæ residentes regnum Italiae vtcunque retinerent; Occidentem & caput eius Romam vt legibus illorum, ita etiam solidis, monetis, nummis, per multos annos sine difficultate vsu[m] constat: qui *Byzantini* dicebantur, et eorum multa mentio in eius temporis diplomatis & instrumentis, etiam Pontificiis bullis, & foundationibus, aliisque talibus memoriis; necnon in ipsis Decretalibus, & cæteris eius æui auctoribus. At *Constantinus Papa*, nonne ipsis Iudæis rebellior videri potest? qui *Philippico Bardane Imp.* quod non per omnia cum sede Romana sentiret, & picturas synodicas (quas vocabant) sanctorumque statuas & imagines è templis erasisset, (graui scilicet ex causa) hæreseos condemnato, cum populo Romano statuit, *Ne nomen Imperatoris hæretici aut in chartas, aut in figuram solidi seu numismatis susciperent*: Vnde nec eius effigies in ecclesiam pro more introducta est, nec nomen ad missarum solemniam prolatum, vt *Paulus Diaconus*, *Beda*, *Adoq;* testantur \*. Iam quis nescit, quomodo idem Romæ Episcopus, & per eum totus clerus, redditus fiscales & tributa Imperatoris, imperiique & omnium Principum immi-  
nuerit, & eneruarit, dum paulatim res suas à iurisdictione & exactione eorum subtraxerunt, & euentitis priuilegiis immunitatem latissimam sibi ipsi fabricauerunt. At hoc leuius, & forte ferendum præ illo, quod idem *Papa Imperatores veteres* sub prætextu hæreseos tributo totius Italiae spoliavit. Cū enim *Leo Isaurus Imp.* bono zelo statuas & imagines templarias euertere cœpisset (vnde *Iconomachus dictus*, & omnes scriptores monastici hoc nomi-

*Bezans d'or.*

\* l. Diac. 8.  
Longob. cap.  
31. Ado et.  
6. Platin. &  
Masson. in  
Constantin. 1.

*Ex. de immu-  
mun. Eccles.*

neci

Zonar. to. 3.  
p. 85. Cedren.  
f. 373. & 98.  
P. Diac. mi-  
scel. 21. Theo.  
Nihē. f. 787.

neei mirum in modum iniqui) idque comperisset Gregorius Papa, statim synodico anathemate eum obtrinxit, moxque tributa Romanæ urbis & totius Italiæ, quæ ad id usque tempus Imperio inde pendentur, inhibuit eique intercepit. Et mox in totum ab illo deficiens, Francos tacitis fœderibus in Italiam pellexit, ut Zonaras, Cedrenus, Diaconus scribunt, & ex eis Platina aliique recētiore Pontificum encomiastæ quasi rem bene gestam referunt\*.

Longum sit commemorare, ut pleraque iura Imperatoria circa res sacras & profanas infregerit & ad se transtulerit: conuocationem conciliorum, creationem sui ipsius, & Episcoporum inuestituras, iurisdictionem in clericos, iura appellationis: ut se ipse totum ab Imperatoris obœdientia exemerit: ut ornamenta Imperatoris omnia à capite ad calcem, insulam, coronam, calceamenta, equestrem pompam vsurparit: ut molem Hadriani, Pantheon, Lateranu, basilicas, septimontium totum, urbem cum suis magistratibus, iuribusque Senatus & Populi occuparit: quinimo urbem non contentus Italiam, Apuliam, Calabriam, Siciliam, cæteraque regna pleraque sibi vindicarit, & jam orbis dominium affectet. Itaque quæ olim Romani Cæsares rerum domini è Palatio regiæque sub titulo, encausto, sigillo suo expediebant, ipse iam in basilica S. Petri principis Apostolorum sub annulo piscatoris peragit: ipse iam monetam auro argentoque fiat ferit, clauēs suas & insignia gentilitia imprimit, addito & in quibusdam elogio: *SIC. SOLEO. BEARE. MEOS.* In aliis Iulius III. hæc verba Iesaiæ propheta ad suam monarchiam appositè deflexa inscripsit: *GENS. ET. REGNUM. QVOD. NON. SERVIERIT. TIBI. PERIBIT.* Certe veris



veris & legitimis Imperatoribus Byzantinis omnia ademit: qui cum modò à legitima Meroueorum stirpe, Chilperico rege in monasterium detruso & tonsō, regnum Francorum in Pipinum maiorem domus transtulisset; paulò post & Imperium ipsum à Constantino Irenes F. in Carolum Magnum, à Græcis ad Francos transtulisse se gloriatur, & Germanis exprobrat. nimirum ne parum impleuisse videretur, quod Prophetarum oraculis erat prædictum, eum etiam regna & imperia à gente in gentem transpositurum. Et his omnibus parum se credidit effecisse, nisi ipse versa vice Cæsari leges daret, Imperio imperaret, ipso Imperatorem crearet & coronaret, iuramentis quibus vellet adigeret, ei taxam & tributa imposeret, aduersarios ei excitaret, eum denique si videatur leui prætextu pro arbitrio deponeret. Mirum videri possit, quod non & titulum nomenque Imperatoris penitus abrogarit: nisi forte (vt de Regio nomine quibusdam à Romanis relicto Tacitus dixit) reliquit ideo, vt haberet instrumenta seruitutis & Imperatores. Quam seruitutem quàm indignè in complures eorum exercuerit, non est huius loci denarrare: vt & totam illam amplissimam segetem Theologis intactam relinquo, quomodo ea quoque quæ Dei sunt, Christi seruatoris, eiusque sanctæ sponsæ Ecclesiæ, idem infideliter reddiderit, quin sibi arroganter usurparit; efferendo se supra omnia, & intolerabilem tyrannidem in Ecclesiam & oues dominicas exercendo.

Et audet spurcus & blasphemus ille auctor libri Monarchalis Papæ, Iacobus de Terano, Urbani v. r. cubicularius, opus suum ab hoc dicto Domini ordiri: Reddite quæ Cæsaris, Cæsari. vbi verba illa perbellè

ira exponit: *temporaliter scilicet, antequam Christus passus esset, & cælos victor ascendisset.* Verba enim Domini\*, *Cum exaltatus fuero à terra, omnia traham ad meipsum, suavis conciliator exponit: Omnia imperia & regna mundi recuperabo, & auferam à Cæsare, Regibus & aliis Principibus, idq; per milites meos Apostolos.* Quibus portentis adulationum etiam Augustini de Anchonâ, cæterorumque parafitorum Pontificiorum libri pleni sonant, & bracteata ipsa decretales Paparum non ab alio fere auro crepant.

Quanto magis sacerdotem decuisset, præcepti Domini, Prophetici & Apostolici memorem vinctos Domini colere & venerari, eisque omnem amorem & obseruantiam quacunque animi submissione deferre, fidelibus præsertim & Dei cognitione vera imbutis, atque adeo patrocinium & defensionem Ecclesiæ Christianæ profitentibus. Erat quidem illud tempus, quo cum Principes Romani non tantum Deum verum ipsi ignorarent, sed & alios ab eius cognitione & professione quantum in ipsis esset arce-  
rent; tum certè Christianis etiam atque etiam cauendum esset, ne plusquam fas esset, Cæsari tribuerent, & limites hos à Domino positos, sanctè religiosèque seruarent. Ideoq; canone Apostolorum LXXXIII. cautum legimus; *Episcopum, Presbyterum, Diaconum operam dantem militiæ, & simul utrumq; retinere volentem, Romanam spatheam siue præfecturam, & sacram functionem, deponendum:* addita hac ætiologia, *Quæ enim sunt Cæsaris, Cæsari; & quæ sunt Dei Deo.* vbi Zonaras annotat: *ὃ ὁ Θεὸς μὴ γινώσκει τὰ ἀνθρώπων, τὰ καὶ τὰς θεῶν.* Et septimus Chalcedonensis Synodi canon, tales quos non poeniteat, anathemalizari iubet. Quod & Arelatenſi Synodo sub Constantino habita ita cau-

rum



rum legitur: De praesidibus autem qui fideles sunt, & ad praesidatum consiliunt, ita placuit, ut cum promoti fuerint, licteras quidem accipiant ecclesiasticas communicatorias, ita tamen ut in quibuscumque locis gesserint, ab Episcopis eiusdem loci cura de illis agatur; & si coeperint contra disciplinam agere, tum demum à communione excludantur. Sed hoc erat illud tempus, quo (ut eleganter ait Augustinus\*) nondum implebatur illa propheta: Et nunc Reges intelligite, erudimini qui iudicatis terram. Adhuc enim implebatur illud, quod in eodem Psalmo paulo superius legitur: Quare fremuerunt gentes, & populi meditati sunt inania: Astiterunt reges terra, & Principes conuenerunt in vnum. Et ait, suo tempore in Principibus Romanis impletum illud: Et nunc reges intelligite, erudimini qui iudicatis terram. Seruite Domino in timore, & exultate ei cum tremore. Seruiunt enim reges Domino in timore, ea qua contra iussa Domini sunt, religiosa seueritate prohibendo. Aliter enim seruit quia homo est, aliter quia Rex. Quia homo, seruit viuendo fideliter. Quia Rex est, seruit leges iusta praecipientes & contraria prohibentes conuenienti vigore sanciendo. Et Paulinus epistola ad quendam militem: Quia vni Deo seruendum est, inquit, facile puto esse discerni, cui potius seruii debeat, Deo an Mammona, Christo an Caesari: cum ipse Caesar Christi seruus studeat esse, ut aliquarum gentium rex esse mereatur. Itaque hoc vnum passim & vbique iam tum à sanctis illis ecclesiae Doctoribus inculcatur: Quo magis conjuncta est Dei & fidelium Principum causa, eo promptius Principibus ab omni anima, nullo mortalium excepto, suum esse reddendum. Quae sententia cum & multorum grauissimorum scriptorum calamo sit discussa, & Imperatoria iura contra attentatores A chilleis argumentis propugnata; vela contraham, & in voto illo

\* epist. 48. c.  
non inueni-  
tur. & seqq.  
23. q. 4.

epist. 50.

pag. 418.

epist. 253.

illo desinam, quo Bernardus vtitur ad Conradum  
 Rom. Regem: *Accingere gladio super femur tuum, po-  
 tentissime, & restituat sibi Caesar quæ Caesaris sunt; & quæ  
 sunt Dei, Deo. Vtrumque interesse Caesaris constat,  
 & propriam tueri coronam, & Ecclesiam de-  
 fensare. Alterum Regi, alterum Eccle-  
 sia conuenit aduo-  
 cato.*

FINIS.







DE TRIBVTO SOLI ET  
CAPITATIONE IYDAICA,  
SVB AVGVSTO.

Obſervatio

EX LIB. III. PARERGON. M.F.

C A P V T. X.

**T**RIBVTI ſtipendijve duo ſunt genera; quæ  
capitibus, & quæ ſolo imponuntur. l. vlt. D.  
de cenſib. quæ prædijs, & quæ mouentibus,  
vt Scauola loquitur. l. generali. 32. §. vlt. D. de  
vſufr. leg. Vtrumque *tributum* vocatur, v-  
trumque *cenſus*, vt apparet ex loco Vlpiani in l. 3 in princ.  
D. de cenſib. Itaque cenſum Suidas definit, ἐπίſιον πύ-  
λον, ἐξέταſιν τῶν Ῥωμαίων πωληθῶν: Hefychius, εἰδὼ νό-  
μιſματῶν Ἰπικεφαλαίων. Vtrumque erat ordinarium,  
vtrumque ſimul pendebant in prouinciã redactæ re-  
giones, niſi quæ iuris Italici eſſent: qui nominis honos eas  
vtroque eximebat. Atque vno remiſſo, non etiam con-  
tinuò alterum remiſſum cenſebatur, niſi fieret expreſſè,  
aut iuris Italici (vt dictum) prærogatina tribueretur, d. l. vlt.  
Iudææ quidem, duræ & rebeli, vtrumq; initio ab Augu-  
ſto impoſitum, non dubitatur; eoq; nomine deſcriptionē  
factam capitum primò, quotquot Iudæam inhabitarent,  
deinde facultatum, quantum ſinguli in bonis haberent.  
Nam & Quirinum præſidem miſſum ἀπογεγεφῶν & ἀπο-  
τίμηſιν feciſſe τῶν ῥομίων Iosephus diſertè ſcribit; & cùm Sy-  
riæ, Cilicesque quotannis centeſimam facultatum pende-  
rent,

Sigon. de rep.  
Hebra. lib. 5.  
in ſin.

H<sup>9</sup> rent,

rent, Iudæos insuper tributum capitis grauius quàm reli-  
quarum facultatum dependisse Appianus in Syriacis au-  
ctor est: *Ἀπὸ πάντων ἐστὶν Ἰουδαίοις (inquit) ἅπασιν ὁ φόρος τῶν*  
*σωμάτων βαρύτερος τῆς ἄλλης πεντηστίας. ἐστὶ καὶ Σύροις, καὶ*  
*κίλιξις ἐκαστῇ τῇ ἡμέρᾳ ἐκαστῇ τῇ ἡμέρᾳ ἐκαστῇ.* Et sic vtrum-  
que tributum in eos à sequentibus Principibus continua-  
tum vel ex eo colligere est, quod Vlpianus scribit, *coloniae*  
*in Syria Casariensem & Aeliām Capitolinam, neutram Itali-*  
*cum ius habere.* l. 1. d. de censib.

*Cæsar Baron.*  
*Tomo 1. An-*  
*nat. Eccles.* Quæverò & quanta capitatio ista fuerit, inter eruditos  
quæritur. Nam alius quidem vniforme illud & in omnia  
capita æquale, eamque in rem peculiariter cūsum num-  
mum, & quidem (indicio Euangelistæ de colloquio Do-  
mini cum Phariseis) denarium fuisse scribit: illum qui  
merces diurna scilicet vnus operarij erat, & stipendium  
diurnum vnus militis: & modestum tributum laudat.

*Lips. in Ad-*  
*mirand. lib.*  
*2. cap. 3.* Alius palam dissentiens ridiculum hoc putat; nisi si De-  
narius aureus (inquit) fuerit. Et Strabo sanè pro hoc, qui  
non modestum sed *βαρύτερον* solito capitationis Iudaicæ  
tributum facit. Sed & Tacitus lib. 2. sub Tiberio anno V.  
C. DXXLXX. *Provincias Syriam atq; Iudæam, fessas oneri-*  
*bus, diminutionem tributi orasse.* Itaque nec inducere in a-  
nimum idem vir magnus potest, indiscretum vniformè  
in omnia capita, multoq; minus, certum genus nummi  
ad hoc tributi genus cūsum fuisse: quod hoc posito, iniu-  
stitia manifesta adhæreat, vt si quis pauper liberos & fami-  
liam multam habeat, contrà diues, & cœlebs sit & orbus.  
Vnde Strabonis de Iudæis locum ita accipit: soluere quidē  
illos censum & pro agrorū modo & opum reliquarum;  
sed æstimatione omnium facta etiam centesimā pro ipso  
capite dare: ita vt qui decem aureorū millia (exempli gra-  
tia) in censu habeat, soluat ex illis annuè centena. Hocque  
placere sibi ob æqualitatem, & quia pauperes & tenues sic

non



non pressi. Quod equidem totum, & quæ sequuntur, non satis capio.

Tenendum est certè, tributum soli, id est agrorum, pro modo & latitudine eorum indictum fuisse, ut Vipianus de censibus docet: vel potius pro feracitate. Stipendium enim & tributum onera sunt fructuum. l. 7. D. de usufru. Ineque D. de impens. in res dotal. fact. Vnde Mœcenas apud Dionem, *φόρον Ἰπιδάξας πᾶσιν ἀπλῶς τῇ ἰπικαρπίας ἵνα τῷ κεκτημένῳ αὐτὰ παρέχῃσι.* Nec agris solum, sed cæteris etiam facultatibus, ædibus, auro facto & infecto, pecuniæ numeratæ, mancipiis, gregibus tributa imponebantur, pro eorum modo. Qui ut inter diuites & inopes diuersus, ita & tributum onus: neq; hoc inopibus valde formidandū. At capitis tributum in omnes per æquè vnum, liberos modò (nam seruorum nulla capita, sed pecudum instar pro preciiis suis à domino cum cæteris fortunis horum tributum dependebatur) diuites & tenues, maritos & cœlibes, parentes & orbos. Non dicam, iuvenes & senes; quod ei rei modus datus, ut nec ante vigesimum annum capite obligarentur, & senectuti sua immunitas esset; nisi quòd in Iudæâ hoc etiam aliquantulum aggrauatū. Vipianus auctor est. d. l. 3. D. de censib. Et hoc sanè nimirum vniformè per omnia capita capitationis tributum fuisse, tam certum est, quàm inter ipsos Iudæos didrachmi pensitatio lege diuinâ instituta non variavit: & à Vespasiano deinde ita innouata, ut omnes ubiq; Iudæi (verba sunt Iosephi, Zonaræ Xiphilini) *duas illas drachmas Ioni Capitolino Romæ penderent, quas antea templo Hierosolymitano penderant.* Quàm certum est vectigalis aut collectæ genus (ut cum recentioribus loquar) quod singulis familiis per focos, caminos fumantes, aut focularia imponitur, nec Græcis incognitum, & *καπνικὸν* dictum; per omnes æquè familias æquale esse, nec à diuitum domibus quàm pauperum

*Exodi 30.*

*V' bald. de collectis. m. 13. 20. 25.*

*Cedren. in Sianratio.*

*Novell. Isa.*

H 2

perum cy Commem.

perum tabernis aliud exigi. Quæ etiam res facit, vt in personas vel capita, in domos vel fumaria quod exigitur, modicum & tolerabile plerumq; definiatur, omnibus æquû; quòd nec tenuibus graue sit ad pendendum, & interim numero pendentium exactori magnam summam conficiat.

Iam modum vtriusque tributi si quis requirat, etsi nec liquidò hunc cōstitui posse credam, nec fuisse semper certum putem, sed sub hoc vel illo Principe, in illam vel illam gentem, pro caussis vel arbitrio, exauctum aut remissum: tamen non video cur aut in tributo bonorum centesimam (qui ferè modus hodie etiam vbiq; gentium seruatur) aut in capitatione denarium in singulos excessisse putemus. Sit denarius decem cupreorum assium nummus, drachmali pondere (quis enim aureum denarium vsquam legit?) tamen hoc & in capita singula, supra bonorum censum, quotannis petitum, tenuioribus non ita leue, & in tanta gente immensam victoribus opum viam cumulauit. Neque Deus ipse nisi didrachmum, id est, duos denarios, lege sua in Templi vsum, exegerat. Dum itaque Pharisei iussu *numisma census exhibere*, denarium exhibent. Tiberij Cæsaris imagine percussum, capitationis nummum exhibent. Puto enim illos de capitis potissimum censu, quem tantopere suâ conditione indignum oderant & auersabantur, cum Domino agere & anquirere voluisse. Quod si de tributo soli potius, aut coniunctim de vtroque actum fuit; vt denarius vnus ei rei non suffecerit, hoc saltem ex eo loco obseruare operæpretium fuerit, quãdò quidem non staterem, non drachmam, non siclum, sed denarium protulerunt, mori Romanorum ea ratione satisfactum, qui tributa & indictiones suas non tantum rigide exegerunt, sed nec in alio quàm Romano nummo acciperunt, vt est alio loco à nobis fusiùs expositum. Itaque aut.

Ora. de Numis. census.



aut singulis denariis pro capitis censu defungi Iudæi potuerunt : aut capitationem simul & soli tributum ad denariariam rationem ab exactoribus redigi consueuisse, & in denario notissimo Romanæ monetæ genere à provincialibus persolui debuisse hinc videmus. Quod & Strabonis locus libr. 10. de Gyaro insula adjuuat. *συμπλήων δὴ ἔλεγε πρὸς πύς πυρομένους, ὅτι πρεσβύει πρὶ κευφισμῶ τῶν φέρων. τελὲν γὰρ δραγμῶς (denarios interpretes vertit, rectissime) ἑκατὸν πεντήκοντα καὶ τὰς ἑκατὺν χαλεπῶς ἂν τελοῖεν.*

DE HADRIANI IMP. VICTORIA  
RIA IVDAICA, ET ÆLIA  
CAPITOLINA.

CAPVT XI.

**D**E bello Iudaico Hadriani Imp. quo rebellantes compescuit, & ad internecionem cecidit, regionemque eorum ferro & flamma vastauit, Dion & Spartianus, necnon Pausanias auctores sunt. Extantque eius victoriæ monumenta in nummis Hadriani, quorum vnum, qui ad manum, hic exhibere visum: in quo Iudæa supplex ruina suam deplorat, veniamque nequicquam precatur.

*Apud Sebast. Eriζzo.  
pagin. 253.  
Ant. Ago-  
stin. tab. 71.*



Li. D. de cen-  
Ab.

Et bello confecto ciuitatem Hierosolymam victor in coloniam conuertit, nouis ciuibus inductis, religione loci sacrisq; priscis sublatis profanauit, & nomen adeò ei immutauit, *Aeliam* à se vocans; cuius Vlpianus alicubi meminuit. De qua singularis est locus Seueri Sulpitij libr. II. *Adrianus existimans se Christianam fidem loci iniuriâ percuturum, in templo ac loco dominice passionis demonum simulacra constituit. Et quia Christiani ex Iudeis potissimum putabatur, (namq; tum Hierosolyma non nisi ex circumcissione habebat Ecclesia sacerdotem) militem cohortem custodias in perpetuum agitare iussit, quæ Iudeos omnes Hierosolymæ aditu arceret. Quo valde pertinet Apologeticus locus, in quo Tertullianus (qui post Hadrianum sub Seuero vixit) de Iudæis loquens; Dispersi, inquit, palabundi, & soli & cali sui extiores, vagantur per orbem, sine homine, sine Deo rege: quibus nec aduenarum iure terram patriam saltem vestigio saluare conceditur. Hoc etiam fortasse consilio (vt eleganter vir doctus annotauit) Hadrianus vibem illam instaurans in fronte eius portæquæ ad Bethlehem erat, suam in marmore sculptam proposuit, vt Cassiodorus in Chronico scribit. Qui tamen hanc minus fortè propriam rationem addit, significasse Romanæ potestati subiacere Iudeos, quasi verò ad iurisdictionem suam denotandam non aquilam potius aut lupam, quàm scropham Trojanam, expressuri fuissent Romani. Sed figurâ immūdi exosiq; animalis abigere & absterre aditu Iudæos voluerunt. in quo falsus animi Petronius, alique Gentilium, qui reuerentiâ eius affici Iudæos putabant:*

*Iudeus licet & porcini numen adoret,  
Et cæli summas aduocet auriculas;*











SPECIAL

87-B

23701

bound w/

87-B

25543

